



歷代名賢列女姓氏譜卷之十六

湘鄉 蕭智漢雲澤氏纂輯

男秉信明甫氏校

上平聲

七虞

虞氏

姚姓舜之建國也舜以天下授于禹禹因封舜之子商均于虞城以爲諸侯後世國絕遂以國爲氏又周太王之子太伯之弟仲雍是爲虞仲嗣太伯之後于勾吳武王克商乃封舜之後胡公滿于陳封虞仲之庶孫于虞城以爲虞仲之後虞仲國于吳其支庶封于此者故亦謂之西吳此姬姓之虞也今陝州平陸縣東北六十里有故虞城在僖五年晉始滅之子孫亦以國爲氏按虞氏有二姚姓之虞者舜之後也姬姓之虞者乃仲雍之

氏姓譜

卷六

七虞 虞氏

後也

歷代名賢

周

虞卿游說之士也躡蹻擔簦說趙孝成王一見賜黃金百鎰白璧一雙再見爲趙上卿故號爲虞卿秦趙戰于長平趙不勝亡一都尉趙王召樓昌與虞卿曰軍戰不勝尉復死寡人使東甲而趨之何如樓昌曰無益也不如發重使爲媾虞卿曰昌言媾者以爲不媾軍必破也而制媾者在秦且王之論秦也欲破趙之軍乎不邪王曰秦不遺餘力矣必且欲破趙軍虞卿曰王聽臣發使出重寶以附楚魏楚魏欲得王之重寶必內吾使趙使入楚魏秦必疑天下之合從且必恐如此則媾乃可爲也趙王不聽與平陽君爲媾發鄭朱入秦秦內之趙王召虞卿曰寡人使平陽君

爲媾于秦秦已內鄭朱矣卿以爲奚如虞卿對曰王不得媾軍必破矣天下賀戰勝者皆在秦矣鄭朱貴人也入秦秦王與應侯必顯重以示天下楚魏以趙爲媾必不救王秦知天下不救王則媾不可得成也應侯果顯鄭朱以示天下賀戰勝者終不肯媾長平大敗遂圍邯鄲爲天下笑秦旣解邯鄲圍而趙王入朝使趙郝約事于秦割六縣而媾虞卿謂趙王曰秦之攻王也倦而歸乎王以其力尙能進愛王而弗攻乎王曰秦之攻我也不能取倦而歸王又以其力之所不能取以送之是助秦自攻也來年秦復攻王王無救矣王以虞卿之言告趙郝趙郝曰虞卿誠能盡秦力之所至乎誠知秦力之所不能進此彈丸之地弗予令秦來年復攻王王得無割其內而媾乎王曰請聽子割矣

氏姓譜

卷六

七虞

虞氏

二

子能必使來年秦之不復攻我乎趙郝對曰此非臣之所敢任也他日三晉之交于秦相善也今秦善韓魏而攻王王之所以事秦必不如韓魏也今臣爲足下解負親之攻開闢通幣齊交韓魏至來年而王獨取攻于秦此王之所以事秦必在韓魏之後也此非臣之所敢任也王以告虞卿虞卿對曰郝言不媾來年秦復攻王王得無割其內而媾乎今媾郝又以不能必秦之不復攻也今雖割六城何益來年復攻又割其力之所不能取而媾此自盡之術也不如無媾秦雖善攻不能取六縣趙雖不能守終不失六城秦倦而歸兵必罷我以六城收天下以攻罷秦是我失之于天下而取償于秦也吾國尙利孰與坐而割地自弱以強秦哉今郝曰秦善韓魏而攻趙者必以爲韓魏不救趙也而王之軍必孤有以王之事秦不如韓魏也是使王

歲以六城事秦也卽坐而城盡來年秦復求割地王將與之乎弗與是棄前功而挑秦禍也與之則無地而給之語曰強者善攻弱者不能守今坐而聽秦秦兵不弊而多得地是強秦而弱趙也以益強之秦而割愈弱之趙其計故不止矣且王之地有盡而秦之求無已以有盡之地而給無已之求其勢必無趙矣趙王計未定樓緩從秦來趙王與樓緩計之曰予秦地何如毋予孰吉樓緩讓曰此非臣之所能知也王曰雖然試言公之私樓緩對曰王亦聞夫公父文伯母乎公父文伯仕于魯病死女子爲自殺于房中者二人其母聞之弗哭也其相室曰焉有子死而弗哭者乎其母困孔子賢人也逐于魯而是不隨也今死而婦人爲之自殺者二人若是者必其于長者薄而于婦人厚也故從母言之是爲賢母從妻言之是必不免爲妬妻

氏姓譜

卷六

七虞 虞氏

三

故其言一也言者異則人心變矣今臣新從秦來而言勿予則非計也言予之恐王以臣爲爲秦也故不敢對使臣得爲大王計不如予之王曰諾虞卿聞之入見王曰此飾說也王脊勿予樓緩聞之往見王王又以虞卿之言告樓緩樓緩對曰不然虞卿得其一不得其二夫秦趙構難而天下皆說何也曰吾且因強而乘弱矣今趙兵困于秦天下之賀戰勝者則必盡在于秦矣故不如亟割地爲和以疑天下而慰秦之心不然天下將因秦之強怒乘趙之弊瓜分之趙且亡何秦之圖乎故曰虞卿得其一不得其二願王以此決之勿復計也虞卿聞之往見王曰危哉樓子之所以爲秦者是愈疑天下而何慰秦之心哉獨不言其示天下弱乎且臣言勿予者非固勿予而已也秦索六城于王而王以六城賂齊齊秦之深仇也得王之六城并力

西擊秦齊之聽王不待辭之畢也則是王失之于齊而取
償于秦也而齊趙之深仇可以報矣而示天下有能爲也
王以此發聲兵未窺于境臣見秦之重賂至趙而反媾于
王也從秦爲媾韓魏聞之必盡重王重王必出重寶以先
于王則是王一舉而結三國之親而與秦易道也趙王曰
善則使虞卿東見齊王與之謀秦虞卿未返秦使者已在
趙矣樓緩聞之亡去趙于是封虞卿以一城居頃之而魏
請爲從趙孝成王召虞卿謀過平原君平原君曰願卿之
論從也虞卿入見王王曰魏請爲從對曰魏過王曰寡人
固未之許對曰王過王曰魏請從卿曰魏過寡人未之許
又曰寡人過然則從終不可乎對曰臣聞小國之與大國
從事也有利則大國受其福有敗則小國受其禍今魏以
小國請其禍而王以大國辭其福臣故曰王過魏亦過竊

氏姓譜

卷六

七虞

虞氏

四

以爲從便王曰善乃合魏爲從虞卿旣以魏齊之故不重
萬戶侯卿相之印與魏齊間行卒去趙困于梁魏齊已死
不得意乃著書上探春秋下觀近世曰節義稱號揣摩政
謀凡八篇以刺譏國家得失世傳之曰虞氏春秋

虞詡字升卿陳留武平人也祖父經爲郡獄吏案法平允
務存寬恕每冬月上其狀恒流涕隨之嘗稱曰東海于公
高爲里門而其子定國卒至丞相吾決獄六十年雖不及
于公其庶幾乎子孫何必不爲九卿邪故字詡曰升卿詡
年十二能通尚書早孤孝養祖母縣舉順孫國相奇之欲
以爲吏詡辭曰祖母九十非詡不養相乃止後祖母終服
闋辟太尉李修府拜郎中永初四年羌胡反亂殘破并涼
大將軍鄧騭以軍役方費事不相贍欲棄涼州并力北邊

乃會公卿集議騰曰譬若衣敗壞一以相補猶有所完若不如此將兩無所保護者咸同詡聞之乃說李修修曰吾意不及此微子之言幾敗國事然則計當安出詡曰今涼土擾動人情不安竊憂卒然有非常之變誠宜令四府九卿各辟彼州數人其牧守令長子弟皆除爲冗官外以勸厲答其功勤內以拘致防其邪計修善其言更集四府皆從詡議于是辟西州豪傑爲掾屬辟牧守長吏子弟爲郎以安慰之鄧騰兄弟以詡異其議因此不平欲以吏法中傷詡後朝歌賊甯季等數千人攻殺長吏屯聚連年州郡不能禁乃以詡爲朝歌長故舊皆弔詡曰得朝歌何衰詡笑曰志不求易事不避難臣之職也不遇盤根錯節何以別利器乎始到謁河內太守馬稜稜勉之曰君儒者當謀謨廟堂反在朝歌邪詡曰初除之日士大夫皆見弔勉以

氏姓譜

卷十六

七虞

虞氏

五

詡譎之知其無能爲也朝歌者韓魏之郊皆大行臨黃河去敖倉百里而青冀之人流亡萬數賊不知開倉招衆劫庫兵守城臯斷天下右臂此不足憂也今其衆新盛難與爭鋒兵不厭權願寬假轡策不令有所拘閔而已及到官設令三科以募求壯士自掾史以下各舉所知其攻劫者爲上傷人偷盜者次之帶喪服而不事家業爲下收得百餘人詡爲饗會悉貫其罪使入賊中誘令劫掠乃伏兵以待之遂殺賊數百人又潛遣貧人能縫者備作賊衣以采經縫其裙爲幘有出市里者吏輒禽之賊由是駭散咸稱神明遷懷令後羌寇武都鄧太后以詡有將帥之畧遷武都太守引見嘉德殿厚加賞賜羌乃率衆數千遮詡于陳倉峭谷詡卽停軍不進而宣言上書請兵須到當發羌聞之乃分鈔傍縣詡因其兵散日夜進道兼行百餘里令吏

上各作兩竈日增倍之羌不敢逼或問曰孫臏滅竈而君
增之兵法日行不過三十里以戒不虞而今日且二百里
何也詡曰虜衆多吾兵少徐行則易爲所及速進則彼所
不測虜見吾竈日增必謂郡兵來迎衆多行速必憚追我
孫臏見弱吾今示強勢有不同故也旣到郡兵不滿三千
而羌衆萬餘攻圍赤亭數十日詡乃令軍中使強弩勿發
而潛發小弩羌以爲矢力弱不能至并兵急攻詡于是使
二十強弩共射一人發無不中羌大震退詡因出賊奮擊
多所傷殺明日悉陳其衆令從東郭門出北郭門入貿易
衣服回轉數周羌不知其數更相恐動詡計賊當退乃潛
遣五百餘人于淺水設伏候其走路虜果大奔因掩擊大
破之斬獲甚衆賊由是敗散南入益州詡乃占相地勢築
營壁二百八十所招還流亡假振貸人郡遂以安先是運

氏姓譜

卷六

七虞

虞氏

六

道艱險舟車不通驢馬負載僦五致一詡乃自將吏士按
行川谷自沮至下辯數十里皆燒石翦木開漕船道以人
僦直雇借傭者于是水運通利歲省四千餘萬詡始到郡
戶裁盈萬及綏聚荒餘招還流散二三年間遂增至四萬
餘戶鹽米豐賤十倍于前坐法免永建元年代陳禪爲司
隸校尉數月間奏太傅馮石太尉劉熹中常侍程璜陳秉
孟生李閏等百官側目號爲苛刻三公劾奏詡盛夏多拘
繫無辜爲吏人患詡上書自訟順帝省其章乃爲免司空
陶敦時中常侍張防特用權執每請託受取詡軌案之而
屢復不報詡不勝其憤乃自繫廷尉奏言曰昔孝安皇帝
任用樊豐遂交亂嫡統幾亡社稷今者張防復弄威柄國
家之禍將重至矣臣不忍與防同朝謹自繫以聞無令臣
襄楊震之跡書奏防流涕訴帝詡坐論輸左校防必欲害

之二日之中傳考四獄獄吏勸詔自引詔曰寧伏歐刀以示遠近宦者孫程張賢等知詔以忠獲罪乃相率奏乞見程曰司隸校尉虞詡爲陛下盡忠而更被拘繫常侍張防臧罪明正反構忠良今客星守羽林其占宮中有姦臣宜急收防送獄以塞天變下詔出詔還假印綬時防立在帝後程乃叱防曰姦臣張防何不下殿防不得已趨就東箱程曰陛下急收防毋令從阿母求請帝問諸尙書尙書賈詡素與防善證詡之罪帝疑焉謂程曰且出吾方思之于是詡子顓與門生百餘人舉幡候中常侍高梵車叩頭流血訴言枉狀梵乃入言之防坐徙邊賈詡等六人或死或黜卽日赦出詡程復上書陳詡有大功語甚切激帝感悟復徵拜議郎數日遷尙書僕射是時長吏二千石聽百姓謹罰者輸贖號爲義錢託爲貧人儲而守令因以聚斂詡

氏姓譜

卷十六

七真

虞氏

七

上疏遵前典蠲除于是詔書下詡章切責州郡譴罰輸贖自此而止先是寧陽主簿詣闕訴其縣令之枉積六七歲不省主簿乃復上書言臣爲陛下子陛下爲臣父臣章百上終不見省臣豈可北詣單于以告怨乎帝大怒持章示尙書尙書遂劾以大逆詡駁之帝納其言管之而已詡因謂諸尙書曰小人有怨不遠千里斷髮刻肌詣闕告訴而不爲理豈臣下之義君與濁長吏何親而與怨人何仇乎聞者皆慙詡諸奏議多見從用好刺舉無所回容數以此忤權戚遂九見譴考三遭刑罰而剛正之性終老不屈永和初遷尙書令以公事去官朝廷思其忠復徵之會卒臨終謂其子恭曰吾寧君直道行已無愧所悔者爲朝歌長時殺賊數百人第中何能不有冤者自此二十餘年家門不增一口斯獲罪于天也恭有俊才官至上黨太守

虞延字子大陳留東昏人也延初生其上有物若一匹練遂上昇天占者以爲吉及長長八尺六寸腰帶十圍力能扛鼎少爲戶牖亭長時王莽貴人魏氏賓客放縱延率吏卒突入其家捕之以此見怨故位不升性敦朴不拘小節又無鄉曲之譽王莽末天下大亂延常嬰甲冑擁衛親族扞禦鈔盜賴其全者甚衆延從女弟年在孩乳其母不能活之棄于溝中延聞其號聲哀而收之養至成人建武初仕執金吾府除細陽令每至歲時伏臘輒休遣徒繫各使歸家竝感其恩德應期而還有囚于家被病自載詣獄既至而死延率掾吏殯于門外百姓感悅之後去官還鄉里太守富宗聞延名召署功曹宗性奢靡車服器物多不中節延諫之宗不悅延卽辭退居有頃宗果以侈從被誅臨當伏刑擊涕而歎曰恨不用功曹虞延之諫光武聞而奇

氏姓譜

卷六

七虞

虞氏

八

之二十年東巡路過小黃高帝母昭靈后園陵在焉時延爲部督郵詔呼引見問園陵之事延進止從容占拜可觀其陵樹枝葉皆譜其數俎豆犧牲頗曉其禮帝善之勅延從駕到魯還經封邱城門門下小不容羽蓋帝怒使撻侍御史延因下見引咎以爲罪在督郵言辭激揚有感帝意乃制詔曰以陳留督郵虞延故貫御史罪延從送車駕西盡郡界賜錢及劍帶佩刀還郡于是聲名遂振二十三年司徒王况辟焉時元正朝賀帝望而識延遣小黃門馳問之卽日召拜公車令明年遷洛陽令是時陰氏有客馬成者常爲竄盜延收考之陰氏屢請獲一書輒加笞二百信陽侯陰就乃訴帝謂延多寃枉帝乃臨御道之館親錄囚徒延陳其獄狀可論者在東無理者居西成乃回欲趨東延前執之謂曰爾人之巨蠹久依城社不畏熏燒今考寔

未竟宜當盡法成大呼稱枉陞戢郎以戟刺延叱使置之
帝知延不私謂成曰汝犯王法身自取之爾使速去後數
日伏誅于是外戚斂手莫敢干法在縣三年遷南陽太守
永平初有新野功曹鄧衍以外戚小侯每豫朝會而容姿
趨步有出于衆顯宗目之顧左右曰朕之儀貌豈若此人
特賜輿馬衣服延以衍雖有容儀而無實行未嘗加禮帝
旣異之乃詔衍令自稱南陽功曹詣闕旣到拜郎中遷元
武司馬衍在職不服父喪帝聞之乃歎曰知人則哲惟帝
難之信哉斯言衍慙而退由是以延爲明三年徵代趙熹
爲太尉八年代范遷爲司徒歷位二府十餘年無異政積
會楚王英謀反陰氏欲中傷之使人私以楚謀告延延以
英藩戚至親不然其言又欲辟幽州從事公孫宏以宏交
通楚王而止竝不奏聞及英事發覺詔書切讓延遂自殺

氏姓譜

卷六

七虞

虞氏

九

家至清貧子孫不免寒餒

虞國爲日南守有惠政雙鴻隨軒而舞

虞芝長沙人州命辟南陽從事太守張忠連嫻王室罪名
入重芝依法執按刺史畏勢名芝芝曰吾年往志盡譬如
八百錢馬死生同價且欲立效于明時耳遂投傳去
虞俊無錫人少以孝友稱明春秋公羊左氏傳哀帝時爲
御史稍遷丞相司直王莽執政左遷新畝令後召爲司徒
俊仰天歎曰願爲漢鬼不能事兩姓飲藥而卒光武卽位
表其墓

三國

虞翻字仲翔會稽餘姚人也太守王朗命爲功曹孫策征
會稽翻時遭父喪哀經詣府門朗欲就之翻乃脫衰入見
勸朗避策朗不能用拒戰敗績亡走浮海翻追隨營護到

東部侯官侯官長閉城不受翻往說之然後見納郎謂翻曰卿有老母可以還矣翻既歸策復命爲功曹待以交友之禮身詣翻第策好馳騁游獵翻諫之策曰君言是也然時有所思端坐悒悒有裨謀草創之計是以行耳翻出爲富春長策薨諸長吏並欲出赴喪翻曰恐隣縣山民或有奸變遠委城郭必致不虞因留制服行喪諸縣皆效之咸以安寧後翻州舉茂才漢名爲侍御史曹操爲司空辟皆不就翻與少府孔融書并示以所著易注融答書曰聞延陵之理樂觀吾子之治易乃知東南之美者非徒會稽之竹箭也又觀象雲物察應寒溫原其禍福與神合契可謂探蹟窮通者也會稽東部都尉張紘又與融書曰虞仲翔前頗爲論者所侵美寶爲質雕摩益光不足以損孫權以爲騎都尉翻數犯顏諫爭權不能悅又性不協俗多見謗

氏姓譜

卷六

七虞

虞氏

十

毀坐徙丹陽涇縣呂蒙圖取關羽稱疾還建業以翻兼知醫術請以自隨亦欲因此令翻得釋也後蒙舉軍西上南郡太守糜芳開城出降蒙未據郡城而作樂沙上翻謂蒙曰今區區一心者糜將軍也城中之人豈可盡信何不急入城持其管籥乎蒙卽從之時城中有伏計賴翻謀不行關羽旣敗權使翻筮之得兌下坎上節五爻變之臨翻曰不出二日必當斷頭果如翻言權曰卿不及伏義可與東方朔爲比矣魏將于禁爲羽所獲繫在城中權至釋之請與相見他日權乘馬出引禁併行翻呵禁曰爾降虜何敢與吾君齊馬首乎欲抗鞭擊禁權呵止之後權于樓船會羣臣飲禁聞樂流涕翻又曰汝欲以僞求免邪權悵然不平權旣爲吳王歡宴之未自起行酒翻伏地陽醉不持權去翻起坐權于是大怒手劍欲擊之侍坐者莫不惶遽惟

大司農劉基起抱權諫之權曰曹孟德尚殺孔文學孤于
虞翻何有哉基曰孟德輕害士人天下非之大王躬行德
義欲與堯舜比隆何得自喻于彼乎翻由是得免權因勅
左右自今酒後言殺皆不得殺翻嘗乘船行與糜芳相逢
芳船上人多欲令翻自避先驅曰避將軍船翻厲聲曰失
忠與信何以事君傾人二城而稱將軍可乎芳闔戶不應
而遠避之後翻乘車行又經芳營門吏閉門車不得過翻
復怒曰當閉反開當開反閉豈得事宜邪芳聞之有慙色
翻性疏直數有酒失權與張昭論及神仙翻指昭曰彼皆
死人而語神仙世豈有仙人邪權積怒非一遂徙翻交州
雖處罪放而講學不倦門徒常數百人又爲老子論語國
語訓注皆傳于世初山陰丁覽太末徐陵或在縣吏之中
或衆所未識翻一見之便與友善終成顯名在南十餘年

氏姓譜

卷十六

七虞

虞氏

十一

年七十卒歸葬舊墓妻子得還翻有十一子第四子汜最
知名

虞汜字世洪生南海年十六父卒還鄉里孫綝廢幼主迎
立琅邪王休休未至綝欲入宮圖爲不軌名百官會議皆
惶怖失色徒唯唯而已汜對曰明公爲國伊周處將相之
位擅廢立之威勢上安宗廟下惠百姓大小踴躍自以伊
霍復見今迎王未至而欲入宮如是羣下搖蕩衆聽疑惑
非所以永終忠孝揚名後世也綝不懌竟立休休初卽位
汜與賀邵王蕃薛瑩俱爲散騎中常侍以討扶嚴功拜交
州刺史冠軍將軍餘姚侯尋卒

虞忠字世方翻第五子貞固幹事好識人物造吳郡陸機
于童胤之年稱上虞魏遷于無名之初終皆遠致爲著聞
之士交同縣王岐於孤宦之族仕進先至宜都太守忠乃

代之晉征吳忠與夷道監陸晏晏弟中夏督京堅守不下城潰被害子譚

虞聳字世龍翻第六子也清虛無欲進退以禮在吳歷清官入晉除河間相王素聞聳名厚敬禮之聳抽引人物務在幽隱孤陋之中時王岐難聳以高士所達必合秀異聳書與族子察曰世之取士曾不指未齒于邱園索良才于總猥所譽依已成所毀依已敗此吾所以歎息也聳疾俗喪祭無度弟昺卒祭以少牢酒飯而已時族黨竝遵行之

虞昺字子文翻第八子也少有倜儻之志仕吳黃門郎以掇對見異起拜尚書侍中晉軍來伐遣昺持節都督武昌已上諸軍事昺先上還節蓋印綬然後歸順在濟陰抑強扶弱甚著威風

晉

卷六

七虞

虞氏

七

虞惺長沙人也弟望字子都竝有士操孝悌廉信爲鄉黨所稱而俱好臧否以人倫爲己任少仕州郡兄弟更爲治中別駕元帝爲丞相招延四方之士多辟府掾時人謂之百六掾望亦被名恥而不應譙王承臨州知其名檄惺爲長史未到遭母喪會王敦作逆承往弔惺因留與語曰吾前被詔遺鎮此州正以王敦專擅防其爲禍今敦果爲逆謀吾受任一方欲率所領馳赴朝廷而衆少糧乏且始到貴州恩信未著卿兄弟南夏之翹傑而智勇遠聞古人墨經卽戎况今鯨鯢塞路王室危急安得遂割極之情忘忠義之節乎如今起事將士器械可以濟不惺望對曰王敦居分陝之任一旦構逆圖危社稷此天地所不容人神所忿疾大王不以猥劣枉駕訪及惺兄弟竝受國恩敢不自奮今天朝中興人思晉德大王以宗子之親奉信順而誅

有罪孰不荷戈致命但鄙州荒弊糧器空竭舟艦寡少難
以進討宜且收衆固守傳檄四方其勢必分然後圖之事
可抗也承以爲然乃命惺爲長史望爲司馬督護諸軍湘
東太守鄭澹敦之姊夫也不願承旨遣望討之望率衆一
旅直入郡斬澹以徇四境及魏父來攻望每先登力戰而
死城破惺復爲父所執將害之子弟對之號泣惺謂曰人
生有死闔門爲忠義鬼亦何恨哉及王敦平贈惺襄陽太
守望榮陽太守遣謁者至墓祭以少牢

虞喜字仲寧會稽餘姚人光祿潭之族也父察吳征虜將
軍喜少立操行博學好古諸葛恢臨郡屈爲功曹察孝廉
州舉秀才司徒辟皆不就元帝初鎮江左上疏薦喜懷帝
卽位公車徵拜博士不就喜邑人賀循爲司空先達貴顯
每詣喜信宿忘歸自云不能測也太寧中與臨海任旭俱

氏姓譜

卷六

七虞

虞氏

三

以博士徵不就復下詔徵之喜辭不赴咸和末詔公卿舉
賢良方正直言之士太常華恒舉喜爲賢良會國有軍事
不行咸康初內史何充上疏薦之詔曰尋陽翟湯會稽虞
喜竝守道清貞不營世務耽學高尚操擬古人往雖徵命
而不降屈豈素絲難染而拽引禮簡乎政道須賢宜納諸
廟廟其竝以散騎常侍徵之又不起永和初有司奏稱十
月殷祭京兆府君當遷祧室征西豫章潁川三府君初毀
主內外博議不能決時喜在會稽朝廷遣就喜諮訪焉其
見重如此喜專心經傳兼覽讖緯乃著安天論以難渾蓋
又釋毛詩畧注孝經爲志林三十篇凡所注述數十萬言
行于世年七十六卒無子

虞潭字思奧會稽餘姚人吳騎都尉翻之孫也父忠仕至
宜都太守吳之亡也堅壁不降遂死之潭清貞有檢操州

辟從事主簿舉秀才大司馬齊王問請爲祭酒除祁鄉令
徙醴陵令值張昌作亂郡縣多從之潭獨起兵斬昌別率
鄧穆等襄陽太守革輒上潭領建平太守以疾固辭遂周
旋征討以軍功賜爵都亭侯陳敏反潭東下討敏弟讚于
江州廣州刺史王矩上潭領廬陵太守綏撫荒餘咸得其
所又與諸軍共平陳恢仍轉南康太守進爵東鄉侯尋被
元帝檄使討江州刺史革輒潭至廬陵會輒已平而湘川
賊杜弼猶盛江州刺史衛展上潭并領安成太守時甘卓
屯宜陽爲弼所逼潭進軍救卓卓上潭領長沙太守固辭
不就王敦叛潭爲湘東太守復以疾辭弼平後元帝召補
丞相軍諮祭酒轉郗邪國中尉帝爲晉王除屯騎校尉徙
右衛將軍遷宗正卿以疾告歸會王含沈充等攻逼京都
潭遂于本縣招合宗人及郡中大姓共起義軍衆以萬數

氏姓譜

卷六

七虞

虞氏

西

自假明威將軍乃進赴國難至上虞明帝手詔潭爲冠軍
將軍領會稽內史潭卽受命義衆雲集時有野鷹飛集屋
梁衆咸懼潭曰起大義而剛鷲之鳥來集破賊必矣遣長
史孔坦領前鋒過浙江追躡充潭次于西陵爲坦後繼會
充已禽罷兵徵拜尙書尋補右衛將軍加散騎常侍成帝
卽位出爲吳興太守秩中二千石加輔國將軍以討充功
進爵零陵縣侯蘇峻反加潭督三吳晉陵宣城義興五郡
軍事會王師敗績大駕逼遷潭勢弱不能獨振乃固守以
俟四方之舉會陶侃等下潭與郗鑒王舒協同義舉侃等
假潭節監揚州浙江西軍事潭率衆與諸軍并勢東西騎
角遣督護沈伊距管商于吳縣爲商所敗潭自貶還節尋
而峻平潭以母老輒去官還餘姚詔轉鎮軍將軍吳國內
史復徙會稽內史未發還復吳郡以前後功進爵武昌縣

侯邑一千六百戶是時軍荒之後百姓饑饉死亡塗地潭乃表出倉米振救之又修漚瀆壘以防海抄百姓賴之咸康中進衛將軍潭貌雖和弱而內堅明有膽決雖屢統軍旅而抄有傾敗以母憂去職服闋以待中衛將軍徵既至夏拜右光祿大夫開府儀同三司給親兵三百人侍中如故年七十九卒于位追贈左光祿大夫開府侍中如故諡曰孝烈子伋嗣官至右將軍司馬伋卒子嘯父嗣

虞驥字思行潭之兄子也雖機幹不及于潭然而素行過之與譙國桓彝俱爲吏部郎情好甚篤彝遣温拜驥使子谷拜彝歷吳興太守金紫光祿大夫王導嘗謂驥曰孔愉有公才而無公望丁潭有公望而無公才兼之者在卿乎官未達而喪時人惜之子谷位至吳國內史

虞溥字允源高平昌邑人也父秘爲偏將軍鎮隴西溥從

氏姓譜

卷十六

七虞

虞氏

五

父之官專心墳籍時疆場閱武人爭視之溥未嘗寓目郡察孝廉除郎中補尚書都令史尚書令衛瓘尚書褚擘竝器重之溥謂瓘曰往者金馬啟符大晉應天宜復先王五等之制以緩久長不可承暴秦之法遂漢魏之失也瓘曰歷代歎此而終未能改稍遷公車司馬令除郟陽內史大修庠序廣招學徒移告屬縣曰學所以定情理性而積衆善者也情定于內而行成于外積善于心而名顯于教故中人之性隨教而移善積則習與性成唐虞之時皆比屋而可封及其廢也而云可誅豈非化以成俗教移人心者哉自漢氏失御天下分崩江表寇隔久替王教庠序之訓廢而莫修今四海一統萬里同軌熙熙兆庶咸休息乎太和之中宜崇尚道素廣開學業以讚協時雍光揚盛化乃具爲條制于是至者七百餘人溥乃作誥以獎訓之溥爲

政嚴而不猛風化大行有白鳥集于郡庭注春秋經傳撰
江表傳及文章詩賦數十篇卒于洛時年六十二子勃過
江上江表傳于元帝詔藏于秘書

虞預字叔寧徵士喜之弟也本名茂犯明穆皇后母諱故
改焉預十二而孤少好學有文章餘姚風俗各有朋黨宗
人共薦預爲縣功曹欲使沙汰穢濁預書與其從叔父曰
近或聞諸君以預入仕便應委質則當親事不得徒已然
預下愚過有所懷邪黨互瞻異同蜂至一旦差跌衆鼓交
鳴毫釐之失差以千里此古人之炯戒而預所大恐也卒
如預言未半年遂見斥退太守庾琛命爲主簿預上記陳
時政所失琛善之卽皆施行太守紀瞻到預復爲主簿轉
功曹史察孝廉不行安東從事中郎諸葛恢參軍庾亮等
薦預名爲丞相行參軍兼記室遭母憂服竟除佐著作郎

氏姓譜

卷十六

七虞

虞氏

六

大興二年大旱詔求讜言直諫之士預上書諫曰大晉受
命于今五十餘載自元康以來王德始闕戎翟及于中國
宗廟焚爲灰燼千里無烟爨之氣華夏無冠帶之人自天
地開闢書籍所載大亂之極未有若茲者也陛下以聖德
先覺超然遠鑒作鎮東南聲教遐被上天眷顧人神贊謀
雖云中興其實受命少康宣王誠未足喻然南風之歌可
著而陵遲之俗未改者何也臣愚謂爲國之要在于得才
得才之術在于抽引苟其可用仇賤必舉高宗文王思佐
發夢拔巖徒以爲相載釣老而師之下至列國亦有斯事
故燕重郭隗而三士競至魏式干木而秦兵退舍今天下
雖弊人士雖寡十室之邑必有忠信世不乏驥求則可致
而束帛未賁于邱園蒲輪頓轂而不駕所以大化不洽而
雍熙有關者也預以寇賊未平常須良將又上疏轉琅邪

國常侍遷秘書丞著作郎咸和初夏旱詔眾官各陳致雨之意預議曰臣聞天道貴信地道貴誠誠信者蓋二儀所以生植萬物人君所以保乂黎蒸是以殺伐擬于震電推恩象于雲雨刑罰在于必信慶賞貴于平均臣聞間者以來刑獄轉繁多力者則廣牽連遠以稽年月無援者則嚴其犢楚期于入重是以百姓嗷然感傷和氣臣愚以爲輕刑耐罪宜速決遣殊死重囚重加以請寬徭息役務遵節儉祇礪朝臣各使知禁蓋老牛不犧禮有常制而自頃眾官拜授祖贈轉相夸尙屠殺牛犢動有十數醉酒流酒無復限度傷財敗俗所虧不少昔殷宗修德以消桑穀之異宋景善言以退熒惑之變楚國無災莊王是懼盛德之君未嘗無肯應以信順天祐乃隆臣學見淺聞言不足採從平王合賜爵西鄉侯蘇峻作亂預先假歸家太守王舒請

氏姓譜

卷七

七虞

虞氏

七

爲諮議參軍峻平進爵平康縣侯遷散騎侍郎著作如故除散騎常侍仍領著作以年老歸卒于家預雅好經史憎疾元虛其論阮籍裸袒比之伊川被髮所以胡虜遍于中國以爲過哀周之時著書四十餘卷會稽典錄二十篇諸虞傳十二篇皆行于世所著詩賦碑誄論難數十篇

虞豫元敬皇后父也少有美稱州郡禮辟並不就拜南陽王文學早卒明帝卽位追贈散騎常侍驃騎大將軍開府儀同三司平山縣侯子胤嗣

南史

虞陸字景豫會稽餘姚人也祖嘯父晋左民尙書父秀之黃門郎豫少以孝聞父疾不欲見人雖子弟亦不得前時豫年十二三晝夜伏戶外問內豎消息問未知轉鳴咽流涕如此者百餘日及亡終喪日惟食麥餅二枚仕宋位黃

門部宋明帝誅山陽王休祐至塋日寒雪厚三尺故人無
至者惟悰一人來赴初齊武帝始從宦家尚貧薄悰數相
分遺每行必呼帝同載帝甚德之齊建元初轉太子中庶
子累遷豫章內史悰家富于財而善爲滋味豫章王嶷盛
饌享賓謂悰曰肴羞有所遺不悰曰何曾食蔬有黃領靡
復無之累遷太子右率永明八年大水百官戎服救太廟
悰朱衣乘車鹵簿于宣陽門外入行馬內驅逐人被奏見
原上以悰布衣之舊從容謂悰曰我當令卿復祖業轉侍
中朝廷咸驚其美拜遷祠部尚書武帝幸芳林園就悰求
味悰獻糲及雜肴數十輦太官鼎味不及也上就悰求諸
飲食方悰秘不肯出上醉後體不快悰乃獻醒酒鱖鮮一
方而已鬱林王立兼大匠卿起休安陵于陵所受局下牛
酒坐免官隆昌元年以白衣領職鬱林廢悰竊歎曰王徐

氏姓譜

卷六

七虞

虞氏

六

遂縛袴廢天子天下豈有此理邪延興元年復領右軍明
帝立悰稱疾不陪位帝使尚書令王晏齋廢立事示悰以
悰舊人引參佐命悰謂晏曰主上聖明公卿戮力寧假朽
老以匡贊惟新乎不敢聞命因慟不自勝朝議欲料之僕
射徐孝嗣曰此亦古之遺直衆議乃止悰稱疾篤還東詔
賜假百日轉給事中光祿大夫尋加正員常侍永元元年
卒時年六十五悰性敦實與人知識必相存訪親疎皆有
終始世以此稱之

虞愿字士恭會稽餘姚人也祖賚給事中監利侯父望之
早卒賚中庭橘樹冬熟子孫競來取之愿年數歲獨不取
賚及家人皆異之宋元嘉中爲湘東王國常侍及明帝卽
位以愿儒吏學涉兼蕃國舊恩意遇甚厚除太常丞尚書
祠部郎通直散騎侍郎帝性猜忌體肥憎風夏月常著小

皮衣屏左右二人爲司風令史風起方面輒先啟聞星文災變不信太史不聽外奏勅靈臺知星二人給愿常直內省有異先啟以相檢察帝以故宅起湘宮寺費極奢後以孝武莊嚴剎七層帝欲起十層不可立分爲兩剎各五層新安太守巢尚之罷郡還見帝曰卿至湘宮寺未我起此寺是大功德愿在側曰陛下起此寺皆是百姓賣兒貼婦錢佛若有知當悲哭哀愍罪高佛圖有何功德尚書令袁粲在坐爲之失色帝大怒使人驅曳下殿愿徐去無異容以舊恩少日中已復召入帝好圍碁甚拙去格七八道物議其欺爲第三品與第一品王抗圍碁依品賭戲抗每饒借帝曰皇帝飛碁臣抗不能斷帝終不覺以爲信然好之愈篤愿又曰堯以此教丹朱非人主所宜好也雖數忤旨而蒙賞賜猶異餘人遷兼中書郎帝寢疾愿常侍醫藥帝

氏姓譜

卷六

七虞

虞氏

九

尤好逐夷以銀鉢盛蜜漬之一食數鉢謂揚州刺史王景文曰此是奇味卿頗足不景文曰臣夙好此物貧素致之甚難帝甚悅食逐夷積多胸腹痞脹氣將絕左右啟飲數升酢酒乃消疾大困一食汁滓猶至三升水患積久藥不復效大漸日正坐呼道人合掌便絕愿以侍疾久轉正員郎出爲晋安太守在郡不治生產前政與民交關質錄其兒婦愿遣人于道奪取將還在郡立學堂教授郡舊出蚘蚘膽可爲藥有餉愿蚘者愿不忍殺放二十里外山中一夜蚘還床下復送四十里外山經宿復還論者以爲仁心所致海邊有越王石常隱雲霧相傳云清廉太守乃得見愿往就觀視清徹無所隱蔽後琅琊王秀之爲郡與朝士書曰此郡承虞公之後善政猶存遺風易遵差得無事以封老解職除後軍將軍褚彥回嘗詣愿愿不在見其眠床

上積塵埃有書數奏彥回歎曰虞公之清一至于此令人掃地拂床而去遷中書郎領東觀祭酒兄季爲上虞令卒從省步出還家不待詔便歸東除驍騎將軍遷廷尉祭酒如故愿嘗事宋明帝齊初宋神主還汝陰廟愿拜辭流涕建元元年卒年五十四愿著五經論問撰會稽記文翰數十篇

虞玩之字茂瑤會稽餘姚人也祖宗晉尚書庫部郎父攻通直常侍玩之少閑刀筆汎涉書史仕宋爲烏程令路太后外戚朱仁彌犯罪玩之依法按之太后怨詆孝武坐免官元徽中爲尚書右丞時齊高帝參政與玩之書曰張華爲度支尚書事不徒然今漕藏有闕吾賢居右丞已覺金粟可積也玩之上表陳府庫錢帛器械役力轉多興用漸廣慮不支歲月朝議優報之高帝鎮東府朝廷致敬玩之

氏姓譜

卷六

七虞 虞氏

三

爲少府猶躡屐造席高帝取屐視之訛黑斜銳莫斷以芒接之問曰卿此屐已幾載玩之曰初釋褐屏征北行佐買之著已二十年貧士竟不辦易帝善之引爲驃騎諮議參軍霸府初開賓客輻湊高帝留意簡接玩之與樂安任遐俱以應對有席上之美齊各見遇玩之遷黃門郎先時宋世民間欺巧及高帝卽位赦玩之與驍騎將軍傅堅意檢定簿籍建元二年玩之表言便宜多見采納于是朝廷乃別置板籍官置令史限人一日得數巧以防懈怠既連年不已貨賄潛通百姓怨望武帝乃詔曰夫簡貴賤辨尊卑者莫不取信于黃籍豈有假器濫榮竊服非分故所以澄草虛妄式允舊章然疊起前代過非近失旣往之誓不足追咎自朱昇明以前皆聽復注其有謫役邊疆各許還本此後有犯嚴加翦治玩之以久官年疾上表告退許之玩

之于人物好臧否宋末王儉舉員外郎孔暹使魏玩之言論不相饒暹儉竝恨之至是玩之東歸儉不出送朝廷無祖餞者玩之歸家數年卒

虞荔字山披會稽餘姚人也祖權梁廷尉卿永嘉太守父檢平北始興王諮議參軍荔幼聰敏有志操年九歲隨從伯闡候太常陸倕倕問五經十事荔對無遺失倕甚異之又嘗詣徵士何胤時太守衡陽王亦造焉胤言之于王王欲見荔荔辭曰未有板刺無容拜謁王以荔有高尙之志雅相欽重還郡卽辟爲主簿荔又辭以年小不就及長美風儀博覽墳籍善屬文釋褐梁西中郎法曹外兵參軍兼丹陽詔獄正梁武帝于城西置士林館荔乃製碑奏上帝命勒之于館仍用荔爲士林學士尋爲司文郎遷通直散騎侍郎兼中書舍人時左右之任多參權軸內外機務互

氏姓譜

卷五

七虞 虞氏

三

有帶掌惟荔與顧協淡然靖退居于西省但以文史見知尋領大著作及侯景之亂荔率親屬入臺除鎮西諮議參軍舍人如故臺城陷逃歸鄉里侯景平元帝徵爲中書侍郎貞陽侯僭位授揚州別駕並不就張彪之據會稽荔時在焉及文帝平彪武帝及文帝竝書招之迫切不得已乃應命至都而武帝崩文帝嗣位除太子中庶子仍侍太子讀書尋領大著作初荔母隨荔入臺卒于臺內尋而城陷情禮不申由是終身蔬食布衣不聽音樂雖任遇隆重而居止儉素淡然無營文帝深器之常引在左右朝夕顧訪荔性沈密少言論凡所獻替莫有見其際者時荔第二弟寄寓于閩中依陳寶應荔每言之輒流涕文帝哀而謂曰我亦有弟在遠此情甚切他人豈知乃勅寶應求寄寶應終不遣荔因以感疾帝欲數往臨視令荔將家口入省荔

以禁中非私居之所乞停城外文帝不許乃令住蘭臺乘輿再三臨問手勅中使相望于道又以荔蔬食積久非羸疾所堪乃勅曰卿年事已多氣力稍減方欲仗委良須克壯今給卿魚肉不得固從所執荔終不從天嘉二年卒時年五十九文帝甚傷惜之贈侍中諡曰德子及喪柩還鄉里上親出臨送當時榮之子世基世南並少知名

虞寄字次安少聰敏年數歲客有造其父者遇寄于門因嘲之曰郎君姓虞必當無智寄應聲曰文字不辯豈得非愚客大慙入謂其父曰此子非常人文舉之對不是過也及長好學善屬文性冲靜有棲遁之志弱冠舉秀才對策高第起家梁宣城王國左常侍大同中嘗驟雨殿前往往有雜色寶珠梁武觀之甚有喜色寄因上瑞雨頌帝謂寄兄荔曰此頌典裁清拔卿家之士龍也將如何擢用寄聞

氏姓譜

卷六

七虞

虞氏

三

之歎曰美盛德之形容以申擊壤之情耳吾豈買名求仕者乎乃閉門稱疾惟以書籍自娛岳陽王粲爲會稽太守引寄爲中記室領郡五官掾在職簡畧煩苛務存大體曹局之內終日寂然侯景之亂寄隨兄荔入臺及城陷遁還鄉里張彪往臨川強寄俱行寄與彪將鄭瑋同舟而載瑋嘗忤彪意乃劫寄奔晋安陳寶應據有閩中得寄甚喜陳武帝平侯景寄勸令自結寶應從之乃遣使歸誠承聖元年除中書侍郎寶應愛其才託以道阻不遣每欲引寄爲僚屬委以文翰寄固辭獲免及寶應結婚留異潛有逆謀寄微知其意言說之際每陳逆順之理微以諷諫寶應輒引說他事以拒之又嘗令左右誦漢書卧而聽之至蒯通說韓信曰相君之背貴不可言寶應蹶然起曰可謂智士寄正色曰覆鄴驕韓未足稱智豈若班彪王命識所歸乎

寄知寶應不可諫慮禍及已乃爲居士服以拒絕之常居東山寺僞稱脚疾不復起寶應以爲假託使人燒寄所卧室寄安卧不動親近將扶寄出寄曰吾命有所懸避欲安往所縱火者旋自救之寶應自此方信之及留異稱兵寶應資其部曲寄乃因書極諫寶應覽書大怒或謂寶應曰虞公病篤言多錯謬寶應意乃小釋亦爲寄有民望且優容之及寶應敗走夜至蒲田顧謂其子扞秦曰早從虞公計不至今日扞秦但泣而已寶應旣禽凡諸賓客微有交涉者皆伏誅惟寄以先識免禍初沙門慧標涉獵有才思及寶應起兵作五言詩以送之曰送馬猶臨水離旗稍引風好看今夜月當入紫微宮寶應得之甚悅慧標賫以示寄寄一覽便止正色無言慧標退寄謂所親曰標公旣以此始必以此終後竟坐是誅文帝尋勅都督章昭達以理

氏姓譜

卷十六

七真

虞氏

三

發遣令寄還朝及至謂寄曰管寧無恙甚慰勞懷頃之帝謂到仲舉曰衡陽王旣出閣須得一人旦夕游處兼掌書記宜求宿士有行業者仲舉未知所對帝曰吾自得之乃手勅用寄寄入謝帝曰所以覽屈躑游藩非止以文翰相煩乃令以師表相事也後除東中郎建安王諮議加戎昭將軍乃辭以疾不堪旦夕陪列王于是令長停公事其有疑義就以決之但朔望賤修而已太建八年加大中大夫十一年卒時年七十寄少篤行造次必于仁厚雖僮豎未嘗加以聲色至于臨危執節則辭氣凜然白刃不憚也自流寓南土與兄荔隔絕因感氣病每得荔書氣輒奔劇危殆者數矣前後所居官未嘗至秩滿纔暮月便自求解退常曰知足不辱吾知足矣及謝病私庭每諸王爲州將下車必造門致禮命釋鞭板以几杖侍坐常出游近寺閭里

傳相告語老幼羅列望拜道左或言誓爲約者但指寄使不欺其至行所感如此所製文筆遭亂多不存

虞通之會稽餘姚人有學行與同郡孔廣埒名善言易官至步兵校尉

虞龢會稽餘姚人位中書郎廷尉少好學居貧屋漏恐溼墳典乃舒被覆書書獲全而被大溼時人以此高鳳

虞僧誕會稽餘姚人以左氏教授聽者常數百人其該通義例當時莫及時有國子博士崔靈恩改說杜義每文句

常申服以難杜遂著左氏條義以明之僧誕亦精杜學因作申杜難服以答靈恩世竝行焉歷官國子助教轉兼五經博士



虞綽字士裕會稽餘姚人也父孝曾陳始興王諮議綽身

氏姓譜

卷六

七虞

虞氏

二

長八尺姿儀甚偉博學有俊才尤工草隸陳左衛將軍傅綽有盛名于世見綽詞賦歎美之仕陳爲太學博士遷永陽王記室及陳亡晉王廣引爲學士大業初轉爲秘書學士奉詔與秘書郎虞世南著作佐郎庾自直等撰長洲玉鏡等書十餘部綽所筆削帝未嘗不稱善而官竟不遷初爲校書郎以籓邸左右加宣惠尉遷著作佐郎與世南自直蔡允恭等四人常居禁中以文翰待詔恩盼隆洽從征遼東帝舍臨海頓見大鳥異之詔綽爲銘帝覽而善之命有司勒于海上以度遼功授建節尉綽恃才任氣無所降下著作郎諸葛穎以學業倖于帝綽每輕侮之由是有隙帝嘗問綽于穎穎曰虞綽粗疏人也帝領之時禮部尚書楊元感稱爲貴倨虛襟禮之與結布衣之友綽數從之游其族人虞世南誠之曰上性猜忌而君過厚元感若與絕

交者帝知君改悔可以無咎不然終當見禍綽不從尋有告綽以禁內兵書借元感帝甚銜之及元感敗其妓妾竝入宮帝因問之曰元感平常時與何人交徃其妾以虞綽對帝令大理卿鄭善果窮治其事綽曰羈旅薄游與元感文酒談款實無他謀帝怒不解徙綽于邊綽至長安而亡吏逮之急于是度江變姓名自稱吳卓游東陽抵信安令天水辛大德舍歲餘綽與人爭田相訟因有識綽者而告之竟爲吏所執坐斬江都時年五十四所有詞賦竝行世

虞

虞世南越州餘姚人出繼叔陳中書侍郎寄之後故字伯施性沉靜寡欲與兄世基同受學于吳顧野王餘十年精思不懈至累旬不盥櫛文章婉縟慕僕射徐陵陵自以類已由是有名陳天嘉中父荔卒世南毀不勝喪文帝高荔

氏姓譜

卷六

七虞

虞氏

三五

行知二子皆博學遣使至其家護視名爲建安王法曹參軍時寄陷于陳寶應世南雖服除仍衣布飯蔬寄還乃釋布噉肉至德初除西陽王及陳滅與世基入隋世基辭章清勁過世南而瞻博不及也俱名重當時故議者方晋二陸煬帝爲晋王與秦王俊交辟之大業中累至秘書郎煬帝雖愛其才然疾峭正弗甚用爲七品十年不徙世基佞敏得君日貴盛妻妾被服擬王者而世南躬貧約一不改宇文化及已弑帝間殺世基而世南抱持號訴請代不能得自是哀毀骨立從至聊城爲竇建德所獲署黃門侍郎秦王滅建德引爲府參軍轉記室遷太子中舍人王踐阼拜員外散騎侍郎宏文館學士時世南已衰老屢乞骸骨不聽遷太子右庶子固辭改秘書監封永興縣子世南貌儒謹外若不勝衣而中抗烈論議持正太宗嘗由朕與世

南商畧古今有一言失未嘗不悵恨其懇誠乃如此貞觀
八年進封縣公會隴右山崩大蛇屢見山東及江淮大水
帝憂之以問世南對曰春秋時梁山崩晉侯名伯宗問焉
伯宗曰國主山川故山崩川竭君爲之不舉降服乘縵徹
樂山次祝幣以禮焉梁山晉所主也晉侯從之故得無害
漢文帝元年齊楚地二十九山同日崩水大出詔郡國無
來貢施惠天下遠近洽穆亦不爲災後漢靈帝時青蛇見
御坐晉惠帝時大蛇長三百步見齊地經市入廟蛇宜在
草野而入市此所以爲怪耳今蛇見山澤適其所居又山
東淫雨江淮大水恐有冤獄枉繫宜省錄纍囚庶幾或當
天意帝然之于是遣使振飢民申挺獄訟多所原赦後星
孛虛危歷氏餘百日帝訪羣臣世南曰昔齊景公時彗見
公問晏嬰嬰曰公穿池沼畏不深起臺榭畏不高行刑罰

氏姓譜

卷六

七虞

虞氏

二六

畏不重是以天見彗爲戒耳景公懼而修德後十六日而
滅臣願陛下勿以功高而自矜勿以太平久而自驕慎終
于初彗雖見猶未足憂帝曰誠然吾幸無景公之過但年
十八舉義兵二十四平天下未三十卽大位自謂三王以
來撥亂之主莫吾君故負而矜之輕天下士上天見變其
爲是乎秦始皇剗除六國隋煬帝有四海之富卒以驕敗
吾何得不戒邪高祖崩詔山陵一準漢長陵故事厚送終
禮于是程役峻暴人力告弊世南疏諫未報又上疏曰漢
家卽位之初便營陵墓近者十餘歲遠者五十年今以數
月之程課數十年之事其于人力不亦勞矣漢家大郡戶
至五十萬今人衆不逮往時而工役一之此臣所以致疑
也時議者頗言宜奉遺詔于是稍稍裁抑帝嘗作宮體詩
使賡和世南曰聖作誠工然體非雅正上之所好下必有

甚者臣恐此詩一傳天下風靡不敢奉詔帝曰朕試卿耳
賜帛五十匹帝數出畋獵世南以爲言皆蒙嘉納嘗命寫
列女傳于屏風于時無本世南暗記之無一字謬帝每稱
其五絕一曰德行二曰忠直三曰博學四曰文詞五曰書
翰世南始學書于浮屠智永究其法爲世秘愛十二年致
仕授銀青光祿大夫宏文館學士如故祿賜防閣視京官
職事者卒年八十一詔陪葬昭陵贈禮部尚書諡曰文懿
帝手詔魏王泰曰世南于我猶一體拾遺補闕無日忘之
蓋當代名臣人倫準的今其云亡石渠東觀中無復人矣
後帝爲詩一篇述古興亡旣而歎曰鍾子期死伯牙不復
鼓琴朕此詩將何所示邪勅起居郎褚遂良卽其靈坐焚
之後數歲夢進讜言若平生翌日下制厚卹其家子昶終
工部侍郎

氏姓譜

卷六

七虞 虞氏

七

虞策字經臣錢塘人登進士調台州推官知烏程縣通判
蘄州蔣之奇王安禮李常相繼薦之擢提舉利州常平湖
南轉運判官元祐五年召爲監察御史時西夏未順邊備
懈弛策上言古人善鎮靜者警備甚密務持重者謀在其
中未有鹵莽濶疎而曰吾鎮靜持重者乞詔內而省曹寺
監外而監司守令順天愛民警戒萬事星文有變必思治
心修身之道勿以宴安爲樂進右正言哲宗納后又上正
始要言遷左司諫權給事中禮官會肇以議北郊事不合
免官策繳還辭命不納帝親政條所當先者五十六事後
多施行遷侍御史至起居郎尋以龍圖閣待制出知青州
改杭州過闕留爲戶部侍郎以樞密直學士知永興軍成
都府徽宗累遷刑戶吏三部尚書疏請均節財用言臣在

戶部見中都經費歲六百萬與天下上供之數畧相當嘗以祖宗故實攷之皇祐所入總三千九百萬而費纔三之一治平四千四百萬而費五之一熙寧五千六十萬而費盡之餘諸道隨一月所須旋爲衰會汲汲然不能終日願深裁浮冗以寬用度屬以疾乞外加龍圖閣學士知澗州卒年六十六贈左正議大夫

虞祺仁壽人政和進士仕至太常博士潼州路轉運判官仁恕愛民秦檜遣使臣督一道例外貢方物祺以地瘠民困聞于上檜慙而止紹興中爲夔路轉運判官運司權大寧監鹽例多重征祺悉蠲免每謂法無重征例不可壞法虞允文字彬甫祺子也六歲誦九經七歲能屬文及長丰姿雄偉長六尺四寸慷慨磊落多大志言動有度人望而知爲任重之器初蔭入官母喪哀毀骨立旣葬朝夕哭墓

氏姓譜

卷六

七虞

虞氏

三

側有兩鳥來巢林桑念父鰥且疾日侍左右不赴調者七年父終始登進士除彭州通判權知黎與渠州以舍人陸達薦名對首言士風日敝以文章進必抑其輕浮以言語進必黜其巧僞以政事進必去其苛刻庶可任重致遠又極論四川財賦科納之弊上嘉納之除秘書丞累遷禮部郎官紹興三十年借工部尚書充金國賀正使先是金亮預隱畫工圖臨安山水以歸見允文語曰我將看花洛陽又見運糧造舟者多允文還奏金必敗盟兵出有五道願詔大臣備禦除中書舍人直學士院言三衙管軍不可充以宦寺宣和明受厥鑿未遠上悟立罷之時金亮自將渡淮號百萬兩淮盡棄亮率大軍臨采石朝命成閔代劉錡措置淮西李顯忠代王權措置淮東葉義問被旨督江淮軍允文參謀軍事命往蕪湖趨顯忠交軍且犒師時權已

去顯忠未來敵騎充斥權敗兵猶在采石三五星散解鞍
東甲坐立道旁允文度敵勢已追若坐待顯忠則誤國事
乃立名諸將激以忠義言金帛告命皆在朝廷命我專待
有功衆奮然曰今既有主請以死戰出至江濱見江北築
高臺對植絳旗二繡旗二中建黃屋亮踞坐其中謀者言
前一日祭天期以明日渡江晨炊玉麟堂先濟者予黃金
一兩時敵兵實四十萬馬倍之宋軍纔一萬八千人皆謂
公受命犒師不命督戰他人壞之公獨任其咎乎允文叱
曰危及社稷吾將安避下令諸將列大陣不動分戈船爲
五其二並東西岸行其一駐中流藏精兵待戰其二藏小
港備不測部分甫畢敵已大呼亮操小紅旗麾數百艘絕
江而來瞬息抵南岸直薄宋軍戰小邵允文入陣撫統制
時俊之背曰汝膽畧聞四方今立陣後則兒女子耳俊卽

氏姓譜

卷六

七虞 虞氏

三九

揮雙刀出士殊死戰官軍在中流衝以海鱗船敵舟皆平
沉半死半戰日暮尙未退會有潰軍自光州來允文授以
旗鼓使從山後轉出敵疑援兵至始遁亟命勁弓尾射大
敗之僵尸四千殺萬戶二人俘千戶五人及生女真五百
餘人敵兵不死于江者亮怒悉敲殺之允文以捷聞大犒
將士語曰敵今敗明必復來夜半部分諸將分海舟繩上
流別遣兵截楊林口次日敵果至因夾擊之復大戰焚其
舟三百始遁去再以捷聞敵遣人賫僞詔來諭王權似有
宿約允文曰此反間也報以權已從軍法新將乃李世輔
願一戰以決雌雄亮得書大怒遂焚龍鳳軍斬梁漢臣竟
趨瓜州漢臣勸亮濟江者也顯忠至語以敵入揚必與瓜
兵合京口無備我當往願公分兵相助得李捧軍萬六千
義問亦命楊存中將所部來會行抵建康聞駕將至卽疏

言敵敗于采石將徵倖于瓜洲今我精兵聚京口持重待
之可一戰而勝乞少緩六飛之發允文至京口敵屯重兵
滁河造三牖儲水塞瓜洲口時諸軍皆聚京口幾二十萬
命張深守滁河口扼大江之衝以苗定駐下蜀爲援大修
戰艦與存中臨江按試命戰士踏車船中流上下三周金
山回轉如飛亮在瓜洲令衆持滿以待相顧駭愕亮笑曰
紙船耳一將跪奏南軍有備未可輕願駐揚州徐圖進取
亮怒欲斬之哀謝良久杖之五十還名諸將約三日濟江
否則盡殺之諸將遂同謀殺亮明日金兵退屯三十里遣
使議和允文馳奏名對上慰藉嘉歎語陳俊卿曰允文公
忠出天性朕之裴度也詔免扈從往兩淮措置明年詔爲
川陝宣諭使陞辭言逆亮既誅敵更新主彼國方亂此天
相我以恢復也和則氣沮戰則氣伸上以爲然既至與吳

氏姓譜

卷六

七虞

虞氏

三

璘議經畧璘進取鳳翔復鞏州孝宗受禪名爲執政史浩
欲盡棄陝西詔官軍進討東不可過寶雞北不可過德順
且欲用忠義人守新復州郡官軍退守蜀口允文前後十
五疏力言恢復莫先于陝西其五路新復州縣又係于德
順存亡一旦棄之則窺蜀之路甚多西和階成利害至重
浩忌之除顯謨閣直學士知夔州尋又命奏事隆興元年
入對言今日有八可戰上問棄地事以笏畫地陳其利害
上曰史浩誤朕命以敷文閣待制知太平尋除兵部尙書
湖北京西宣撫制置使湯思退又欲棄唐鄧海泗允文五
疏力爭詔言此非險要可寘度外思退謂允文大言誤國
以邀美名陽請各允文實欲去之陞顯謨閣學士知平江
二年金兵復至上悔不用前言除端明殿學士同簽書樞
密院事乾道元年拜參知政事兼知樞密院金遣完顏仲

來有所議偃蹇不敬允文請斬之廷論不果御史章服劾錢端禮受李宏玉帶事連允文罷政奉祠歸蜀甫踰月復召至闕拜資政殿大學士四川宣撫使太上賜御書聖主得賢臣頌上爲製跋陞辭復賜所御雙履并甲冑先被手詔戒九事至蜀悉奉行之尤以軍政爲急閱實行伍第其壯怯爲三上備戰陣次守輜重汰凡萬人減帑錢四百萬兵有勞績者置員闕處之命利帥晁公武核實興洋義士得二萬三千餘與陝西弓箭手合爲一軍以馬政付張松奏依舊制分茶馬爲川秦司時邛蜀十四郡告飢上荒政凡六十五事劍卒獻羨錢郤之五年召入爲樞密使拜右僕射同中書門下平章事與俊卿同輔政以薦士自任籍人才爲三等有所見聞卽記之號材館錄凡所舉皆收用之其尤顯如胡銓周必大王十朋趙汝愚晁公武李燾洪

氏姓譜

卷十六

七虞

虞氏

三

廷汪應辰上憂兵冗財匱議草三衙雜役汰冗卒無一怨言六年俊卿以奏留龔茂良忤旨上怒甚允文請對爲極言體貌之道上意稍解得判福州范成大使金請還陵寢地金人不從且謀報將以三十萬騎還奉來歸中外洶洶允文謂金方懲亮事必不輕動迄無他虞屢疏請建儲乃詔立恭王惇爲皇太子允文又奏胡銓當留經筵不當以言去銓薦朱熹上以問允文對曰熹不在程頤下遂名熹不至八年正輔相名授特進左丞相兼樞密使上欲以曹勛爲樞密允文謂其人品卑凡不可用殿中侍御史蕭之敏論允文擅權允文請罷太上問之曰采石之功之敏何在爲出之敏允文言之敏端方請名歸以闢言路上以其言厚命曾懷書之時政記奉命選諫官以李彥穎林光朝王質對三人皆鯁亮文學推重于時論薦久不報曾觀

薦一人輒賜第進官允文爭之不得因力求去授少保武安軍節度使仍宣撫四川封雍國公陞辭御正衙酌酒遣之諭以進取之方若西師出而朕遲回卽朕負卿若朕已動而卿遲回卽卿負朕九年至蜀大軍月給米一石五斗不足贍其家允文爲捐宣司錢三十萬計口增給立戶馬七條括民馬奏選良家子以備戰用上以踰歲無進兵期密詔趣之答曰軍需未備上不樂淳熙元年薨後四年上幸白石大閱見軍皆少壯思其沙汰之功贈太傅諡忠肅早以文學致身晚際時艱出入將相垂二十年忠慎勤恪孜孜無貳嘗注唐書五代史有詩文十卷經筵春秋講義三卷奏議二十二卷內外志十五卷子公亮公著孫八人皆好修惟剛簡最知名

氏姓譜

卷十六

七虞

虞氏

三

遣州兵禦之不勝又募茶商百餘人逐之出境賊遂敗

虞剛簡累官利州路提刑有治績嘗與魏了翁范仲黼李心傳輩講學蜀夷門外得程朱微旨著易書論語說以發明其義蜀人師尊之嘉定中召不至子廷知連州亦以文學知名

虞夷簡允文孫知富順監以崇化善俗爲務禁科斂振貧寡儲藥石以濟民復立義莊俾養生送死無恨魏了翁稱其能盡心焉

金

虞似良寓居黃巖自號橫溪老樵有篆隸韻書以行于世

虞仲文字質夫武州寧遠人自少聰慧日記千言七歲知作詩十歲能屬文旣長刻苦學問登途進士累任州縣以廉能稱復舉制策優等擢起居郎史館修撰三遷至太常

少卿求歸養親久之名復前職宰相薦文行第一權知制
誥除中書舍人討平白霽拜樞密直學士至侍講與翰林
學士來降授樞密使兼侍中封秦國公卒年五十五謚文
正天會中贈中書令正隆改特進濮國公

虞汲本蜀仁壽人允文之後父玘知連州以文學知名汲
仕宋爲黃岡尉宋亡僑居臨川之崇仁與吳澄爲友澄稱
其文清而醇嘗再至京贖族人被俘者十餘口由是家益
貧晚稍起家教授後以翰林院編修官致仕

虞集字伯生蜀郡人宋丞相允文五世孫父汲爲黃岡尉
宋亡僑居臨川嘗起家長沙教授避亂趨嶺表干戈中無
書可攜集母楊氏祭酒文仲女也口授集論語孟子左氏
傳歐蘇文過耳輒成誦比還長沙就外傳始得刻本則已

氏姓譜

卷六

七虞

虞氏

三

盡讀諸經通大義文仲世以春秋名家楊氏在室卽通其
義故集與弟槃皆受業家庭具有源委左丞董士選除南
臺中丞延集主家塾成宗大德初以薦授京學教授除國
子博士監祭殿上有劉生被酒失儀集請削其籍大臣有
爲劉謝者仁宗時在東宮傳諭勿竟其事集言國學禮所
自出此而不治何以爲教竟移陪事院黜之仁宗益以爲
賢及卽位改太常禮儀院博士時拜住爲院使問禮器
祭義集備言先王制作及古今因革損益之由拜住歎服
俄遷集賢修撰因會議學校集上議有條序累除翰林待
制兼國史院編修官英宗卽位集以憂還江南時拜住爲
丞相言于上遣使徵之比趨朝而拜住已遇害泰定初除
國子司業遷秘書少監充禮部考試官集言同列曰國家
利目之法諸經傳注各有所主將以一道德同風俗非欲

使學者專門擅業如近代五經學究之固陋也聖經深遠非一人之見可盡試藝之文惟其高者取之不必先有主意若主意先定則求賢之心狹而差自此始矣後再爲考官率持是說故所取每稱得人帝幸上都命集與侍讀學士王結執經以從自是歲嘗在行俄拜翰林直學士兼祭酒侍經筵嘗因講罷論京師侍東南海運竭民力以航不測非便乃進議其後海口萬戶之設大畧宗之文宗卽位改奎章閣侍書學士兼職如故嘗以先世墳墓在吳越者歲久湮沒乞一郡自便帝曰以爾之材何施不可顧今未可去耳時關中大飢帝問集何以救對曰承平日久人情宴安有志之士急于近效則怨讟興焉不幸大菑之餘正君子爲治作新之機也若遣一二人有仁術知民事者稍寬其禁令使得有所爲隨郡縣擇可用之人因舊民所在定

氏姓譜

卷六

七虞 虞氏

三

城郭修閭里治溝洫限畝畝薄征斂招其傷殘老弱漸以其力治之則遠去而來歸者踵至春耕秋斂皆有所助一二歲間勿征勿徭封域旣正友望相濟是三代之民將見出于空虛之野矣帝稱善因進曰幸假臣一郡試行此法帝不允有旨諸兼職不過三免集國子祭酒會修經世大典命爲總裁中丞趙世安謂集久居京師病目宜假一外職就醫文宗怒曰一虞伯生汝輩不能容邪闕歲書成旣上進以目疾丐解職亦不允時帝方嚮用文學雅重集不聽其去而嫉之者往往摘集文辭指爲譏訕帝皆察知其故不能中傷一日命集草制封乳母夫爲營都王使貴近傳旨其人素忌集謬言制封營國公集具稟進丞相愕然集知爲所紿卽請易稟終不明言其故凡論薦人材必先器識心所未善不爲牢籠沽譽御史中丞馬祖常嘗出牘

求薦光人龔伯璣集曰是子非遠到器恐不得令終乃大拂祖常意後果事敗身侈如集言先是安懼貼睦爾者明宗長子也文宗忌之放之靜江詔書有曰明宗在北時自以爲非其子蓋集筆也及文寧二帝繼崩名諸老臣赴上都議所立集與焉祖常使人諷集曰御史有言矣乃謝病歸臨川順帝元統二年召還侍臣有以舊詔言者帝曰此吾家事豈由彼書生邪時集疾作竟不至屢被旨卽其家撰文褒錫勳舊卒封仁壽郡公諡文靖生平折節下士接後進雖少賤如敵已當權門赫奕未嘗有所附麗集議中書正言讜論多見容受屢以片言出人于濱死亦不自爲德家素貧歸老後兼作方外交登門之士相望于道其束修羔鴈之入還俱賓客費雖空乏弗恤也早歲與弟槃闢書堂爲二室書陶淵明邵堯夫詩于壁左曰陶庵右曰邵

氏姓譜

卷六

七虞 虞氏

三

庵故世稱邵庵先生有道園學古錄五十卷初集與楊載同在京載每言伯生不能詩集置酒請問作詩法載酒酣盡爲傾倒集遂超悟其理繼以所作詩介他人質諸載載曰此詩非虞伯生不能或曰先生嘗謂其不能詩何以有此曰伯生學問高余曾授以作詩法餘莫能及故元朝詩稱虞楊范揭焉嘗有問集者曰載詩何如集曰如百戰健兒棹詩如何曰如唐臨晉帖俟斯詩如何曰如美女簪花先生詩如何笑曰虞集乃漢廷老吏蓋未免自負公論亦以爲然集真行草篆皆有法度古隸爲當代第一

虞槃字仲常以進士除湘鄉州判官性癖古有巫至稱神降告其人曰某方水果火忽又曰將大水且兵至州大家爭驚徙槃察知曰此輩將惑民爲亂安有神乎捕治之得黨數十人論如法槃少時讀柳子厚非國語以爲國語誠

可非而柳子之說亦非也著非非國語至詩書春秋皆有
論述而春秋乃其家學故尤善每詣集聞僧道在座輒去
雖集亦嚴憚之

明

虞謙字伯益金墮人洪武中由國子生擢刑部郎中出知
杭州府建文中請限僧道田人無過十畝餘以均給貧民
從之永樂初召爲大理寺少卿時有詔建文中上言改舊
制者悉面陳謙乃言前事請罪帝見謙怖笑曰此秀才闖
老佛耳釋弗問而僧道限田制竟罷都察院論誣騙罪準
洪武榜例梟首以徇謙奏比奉詔準律斷罪誣騙當杖流
梟首非詔書意帝從之天津衛倉災焚糧數十萬石御史
言主者盜用多縱火自蓋逮幾八百人應死者百謙白其
濫得論減七年帝北巡皇太子奏謙爲右副都御史明年

氏姓譜

卷十六

七虞

虞氏

三

借給事中杜欽巡視淮鳳抵陳州災傷免田租贖民所鬻
子女明年謙請振太子諭之曰軍民困極而卿等從容請
啟彼汲黯何如人也尋命督兩浙蘇松諸府糧綸南北京
及徐州淮安富民賂有司率得近地而貧民多遠運謙建
議分四等丁多糧最少者運北京次少者運徐州丁糧等
者運南京淮安丁少糧多者存留本土民利賴之又言徐
州呂梁二洪行舟多阻請每洪增挽夫二百月給廩官牛
一百暇時聽民耕大舟至用以挽人以爲便嘗督運木役
者大疫謙令散處之疫遂息未幾借給事中許能巡撫浙
江仁宗卽位召還改大理寺卿時呂升爲少卿仰瞻爲丞
而謙又薦嚴本爲寺正帝方矜慎刑獄謙等亦悉心奏當
凡法司及四方所上獄謙等再四參復必求其平嘗語人
曰彼無恨卽我無恨嘗應詔上言七事皆切中時務有言

其奏事不密市恩于外者帝怒降少卿一日楊士奇奏事畢不退帝問欲何言得非爲虞謙乎士奇因具白其誣且言謙歷事三朝得大臣體帝曰吾亦悔之遂命復職宣宗立謙言舊制犯死罪者罰役終身令所犯不等宜依輕重分年限報可宣德二年三月卒于官謙美儀觀風采凝重工詩畫自負才望工部侍郎蘇瓊以鄙猥班謙上恒怏怏人以是隘其量云

虞以文淇武中爲陝西按察僉事上疏言前任御史治按漢中見其民多居深山遷徙無常以避徭役其膏腴水田皆灌莽彌望莫肯因山開種蓋因用力勞而稅畝重今若減其賦則田野闢而民有恒產矣上善其言詔行之

虞宗濟字思訓常熟人父兄竝有罪吏將逮治宗濟謂兄曰事涉徭役國法嚴往必死父老矣兄冢嗣且未有後我

氏姓譜

卷六

七虞

虞氏

三七

幸產兒可代死乃挺身詣吏白父兄無所預吏疑而訊之悉自引伏洪武四年竟斬于市爵年二十二

虞暉字仲正崑山人永樂中由鄉舉授上虞教諭陞禮科給事中遷通政司參議敷奏詳明官兵部右侍郎卒于官虞信字尚忱湖廣沔陽人永樂間擢監察御史陞四川按察司副使山東按察使吏畏民懷終河南右布政使性亢直人不敢干以私

虞訥樂平人五世同居有家範人無間言事聞上旌表之虞球宏治間辰州通判先是郡糧羨餘主者咸以爲已利球至一無所取不妄筭一人而公事亦辦過辰溪見高田水澗禾苗易稿親詣田間相視水道令民開鑿陂塘潴水民得其利

虞堪字克用宋允文裔孫家長洲隱居行謹不樂仕進家

藏書甚富手自編輯爲詩清潤壯麗閒寫山水亦有思致
雅重先世手澤聞有雍公遺文雖千里外必購得之乃已

歷代列女

虞姬名娟之齊威王之姬也威王卽位九年不治委政大
臣佞臣周破胡專權擅勢嫉賢妬能卽墨大夫賢而日毀
之阿大夫不肖反日譽之虞姬謂王曰破胡讒諛之臣也
不可不退齊有北郭先生者賢明有道可置左右破胡聞
之乃惡虞姬曰其幼弱在于閭巷之時嘗與北郭先生通
王疑之乃閉虞姬于九層之臺而使有司卽窮驗問破胡
賂執事者使竟其罪執事者誣其詞而上之王視其詞不
合于意乃召虞姬而自問焉虞姬對曰妾媼之幸得蒙先
人之遺體生于天壤之間去蓬廬之下侍明王之謙泥附
王著薦床蔽席供執掃除掌奉湯沐至今十餘年矣惓惓

氏姓譜

卷六

七虞

虞氏

三

之心冀幸補一言而爲邪臣所擠湮于百重之下不意大
王乃復見與之語妾聞玉石墜泥不爲汚柳下覆寒女不
爲亂積之于素雅故不見疑也經瓜田不納履過李園不
整袍妾不避此罪一也旣陷難中有司受賂聽用邪人卒
見覆言不能自明妾聞寡婦哭城城爲之崩亡士歎市市
爲之罷誠信發內感動城市妾之寃明于白日雖獨號于
九層之內而衆人莫爲毫釐妾之罪二也旣有汚名而加
此二罪義固不可以生所以生者爲莫白妾之汚名也且
自古有之伯奇放野申生被患孝順至明反以爲殘妾旣
當死不復重陳然願戒大王羣臣爲邪破胡最甚王不執
政國殆危矣于是王大寤出虞姬顯之于朝市封卽墨大
夫以萬戶烹阿大夫與周破胡遂起兵收故侵地齊國震
懼人知烹阿大夫不敢飾非務盡其職齊國大治

虞姬西楚霸王項羽美人也漢軍追羽至垓下圍之數重羽夜聞四面皆楚歌驚曰漢已得楚乎何楚人之多也起飲帳中命虞姬舞乃慷慨悲歌曰力拔山兮氣蓋世時不利兮騶不逝騶不逝兮可奈何虞兮虞兮奈若何于是美人和之曰漢兵已畧地四面皆楚歌大王意氣盡賤妾何聊生遂自刎羽不勝傷之上馬潰圍出漢軍追至烏江亦自刎

虞氏婦名趙姬桐鄉令東郡虞遵妻也趙既沒孫權敬姬文才諂入官省號曰趙母作列女傳解注賦數十萬言

虞氏母吳郡富春人孫權族孫女虞潭之母也初適潭父忠恭順貞和甚有婦德及忠亡遺孤藐爾孫氏雖少誓不改節躬自撫養劬勞備至性聰敏識鑒過人潭始自幼童便訓以忠義故得聲望允洽爲朝廷所稱永嘉末潭爲南

氏姓譜

卷六

七虞

虞氏

元

康太守值杜弼構逆率衆討之孫氏勉潭以必死之義俱傾其資產以饋戰士潭遂克捷及蘇峻作亂潭時守吳興又假節征峻孫氏戒之曰吾聞忠臣出孝子之門汝當舍生取義勿以吾老爲累也仍盡發其家僮令隨潭助戰賀其所服環珮以爲軍資于時會稽丙史王舒遣子允之爲督護孫氏又謂潭曰王府君遣兒征汝何爲獨不潭卽以子楚爲督護與允之合勢其憂國之誠如此拜武昌侯太夫人加金章紫綬潭立養堂于家王導以下皆就拜謁咸和末卒年九十五成帝遣使弔祭諡曰定夫人

虞氏唐末黃巢破西衡州氏躬被甲胄率兄弟及鄉兵戰禦巢賊遂陷虞氏亦死鄉人卽于死處英德縣西一十三里麻寨岡立寨將夫人廟大有靈應宋嘉定間加封正順顯佑夫人林子升爲作記

虞氏虞喜弟預之女也孫晷欽其賢聘爲妻喜嘗戒女棄華尙素與晷同志時人號爲梁鴻夫婦

虞夫人名道永年八十一日語諸子曰我將行矣諸子驚遂呼醫進藥皆揮出毋勞我蓋甘寢六日而沒朱晦翁稱之曰其爲子孝其爲婦順爲妻正爲母慈奮于奉而豐于施厚于義而薄于利是則不可謂賢乎哉

虞氏海寧董涓妻也少慧知書頗善吟咏年十六歸董甫兩月而涓卒痛絕欲死以殉家衆防之遂得不死父母惜其年少勸女再適女不應吟菊竹二詩以見意其菊詩云移得春苗愛護周柴桑無主爲誰秋寒芳甘抱枯枝萎蓋墜西風逐水流井上竹詩云一片貞心古井泉清寒徹骨白堪憐相看歲暮青青色歷盡冰霜戴一天乃刻木爲夫像晨昏事之年五十餘卒人皆稱爲節婦

氏姓譜

卷六

七虞

虞氏

四

虞氏名鳳娘義烏人其姊嫁徐明輝而卒明輝聞鳳娘賢懇其父欲聘爲繼室女知泣謂父母曰兄弟未嘗同妻卽姊妹可知父執不聽女絕口不言自經而死

虞氏弋陽人李元順妻也正德壬申流賊剽掠元順挈家以逃賊勢迫虞度終難免拔簪遺夫曰吾分當死決不受辱子爲全母計耳果被執且哭且罵聲厲賊殺之

吾氏

已姓夏之諸侯昆吾氏之後昆吾爲夏伯其地卽濮陽縣唐武德四年析置昆吾縣是其地八年復省入濮陽

歷代名賢



吾粲字孔休吳郡烏程人也生數歲孤城姬見之謂其母曰是兒有卿相之骨孫河爲縣長粲爲小吏河深奇之河

後爲將軍得自選長吏表粲爲曲阿丞遷爲長史治有名迹雖起孤微與同郡陸遜卜靜等比肩齊聲孫權爲車騎將軍名爲主簿出爲山陰令還爲參軍校尉黃武元年與呂範賀齊等俱以舟師拒魏將曹休于洞口值天大風諸船纒繩斷絕漂沒著岸爲魏軍所獲或覆沒沈溺其大船尙存者水中生人皆攀緣號呼他吏士恐船傾沒皆以戈矛撞擊不受粲與黃淵獨令船人以承取之左右以爲船重必敗粲曰船敗當俱死耳人窮奈何棄之粲淵所活者百餘人還遷會稽太守召處士謝譚爲功曹譚以疾不詣粲教曰夫應龍以屈伸爲神鳳皇以嘉鳴爲貴何必隱形于天外潛鱗于重淵者哉粲募合人衆拜昭儀中郎將與呂岱討平山越入爲屯騎校尉少府遷太子太傅遭二宮變抗言執正明嫡庶之分欲使魯王霸出駐夏口遣楊竺

氏姓譜

卷六

七虞

虞氏

四

不得令在都邑又數以消息語陸遜遜時駐武昌連表諫爭由此爲霸竺等所譖害下獄誅

吾彥

吾彥字士則吳郡吳人也出自寒微有文武才幹身長八尺手格猛獸膂力絕羣仕吳通江吏時將軍薛瑒杖節南征軍容甚盛彥觀之慨然而歎有善相者劉札謂之曰以君之相後當至此不足慕也爲小將給吳大司馬陸抗抗奇其勇畧將拔用之患衆情不允乃會諸將密使人陽狂拔刀跳躍而來坐上諸將皆懼而走惟彥不動舉几禦之衆服其勇乃擢用焉稍遷建平太守時王濬將伐吳造船于蜀彥覺之請增兵爲備濬不從彥乃輒爲鐵鎖橫斷江路及師臨境緣江諸城皆望風降附或見攻而被惟彥堅守大衆攻之不能克乃退舍禮之吳亡彥始歸降武帝以

爲金城太守帝嘗從容問薛瑩曰孫皓所以亡國者何也瑩對曰歸命侯臣皓之君吳昵近小人刑罰妄加大臣大將無所親信人人憂恐各不自安敗亡之釁由此而作矣其後帝又問彥對曰吳主英俊宰輔賢明帝笑曰君明臣賢何爲亡國彥曰天祿永終歷數有屬所以爲陛下禽此蓋天時豈人事也張華時在坐謂彥曰君爲吳將積有歲年蔑爾無聞竊所惑矣彥厲聲曰陛下知我而卿不聞乎帝甚嘉之轉在敦煌感恩甚著遷鴈門太守時順陽王暢驕縱前後內史皆誣之以罪及彥爲順陽內史彥清身率下威刑嚴肅衆皆畏懼暢不能誣乃更薦之冀其去職遷員外散騎常侍帝嘗問彥陸喜陸抗二人誰多也彥對曰道德名望抗不及喜立功立事喜不及抗會交州刺史陶璜卒以彥爲南中都督交州刺史重餉陸機兄弟機將受

氏姓譜

卷六

七虞

吾氏

四

之雲曰彥本微賤爲先公所拔而答詔不善安可受之機乃止因此每毀之長沙孝廉尹虞謂機等曰自古由賤而興者乃有帝王何但公卿若何元幹侯孝明唐儒宗張義允等並起自寒微皆內侍外鎮人無譏者卿以士則答詔小有不善毀之無已吾恐南人皆將去卿卿便獨坐也于是機等意始解毀言漸息矣初陶璜之死也九真戍兵作亂逐其太守九真賊帥趙祉圍郡城彥悉討平之在鎮二十餘年威恩宣著南州寧靖自表求代徵爲太長秋卒官

元

吾衍字子行由太末徙家錢唐性凌物傲世故高不事之節求室委巷中教小學常數十人或請謁從樓上遙謂曰吾出有間矣著尚書要畧聽元集造元集九歌譜十二月樂譜辭重正卦氣楚史檣杌晉文春秋諸書兼通音律工

篆隸小隸尤精爲詩效李賀清麗無塵土氣嘗以郭忠恕
自比閒則彈琴吹洞簫撫弄如意不輟西湖多寶院僧可
權從衍學知其死乃壟衍遺文于後山

明

吾紳字叔縉衢州人官刑部主事治獄有聲歷郎中拜禮
部侍郎成祖謂呂震曰紳出自翰林可佐卿典禮矣旣而
爲震所擠出爲廣東參政尋召爲南京刑部侍郎奉敕考
察兩廣福建方面官有故人官參政素貪黷權要多爲之
地紳至竟黜之時稱其公復改禮部正統六年卒于官紳
清強有執澹于榮利初拜侍郎賀者畢集而一室蕭然了
無供具衆笑而起

吾嚶字景端號求樂開封人方正端嚴教諭江浦乞歸講
學弟子千餘人多成名士與章懋燮臺尤契厚年七十卒

氏姓譜

卷六

七虞

吾氏

四

懋表曰君之所詣茂叔伯淳人之所惜何蕃劉蕢

烏氏

姬姓黃帝之後少昊氏以烏烏名官以世功命氏齊有
烏餘烏枝鳴莒有烏存秦有烏獲唐表言烏餘之裔世
居北方號烏洛侯後徙張掖又烏石蘭改爲烏氏又云
烏桓氏之後望出潁川汝南郟陽

歷代名賢

古

烏曹古之善博者也作博以五木爲子以梟盧雉犢爲勝
負之采

周

烏枝鳴齊大夫景公二十七年宋華氏叛華登以吳師救
華氏時烏枝鳴戍宋齊師宋師敗吳師華登帥其餘以敗

宋師烏枝鳴曰用小莫如齊致死齊致死莫如去備彼多兵矣請皆用劍從之遂敗華氏

烏獲秦之有力人也秦武王好多力之士烏獲之徒皆歸焉秦王于洛陽舉周鼎烏獲兩目血出

烏承珽字德潤張掖人開元中與族兄承恩皆爲平盧先鋒沈勇而決號轅門二龍契丹可突于殺其王郅固降突厥而奚亦亂其王魯蘇挈族屬及郅固妻子自歸是歲奚契丹入寇詔承珽擊之破于捺祿山二十二年詔信安王禕率幽州長史趙含章進討承珽請含章曰二虜固劇賊前日戰而北非畏我乃誘我也公宜奮銳以折其謀含章不信戰白城果大敗承珽獨按隊出其右斬首萬計可突于奔北奚渤海大武藝與弟門藝戰國中門藝來奔詔與

氏姓譜

卷六

七虞

烏氏

四

太僕卿金思蘭發范陽新羅兵十萬討之無功武藝遣客刺門藝于東都引兵至馬都山屠城邑承珽室要路塹以大石亘四百里虜不得入于是流民得還士少休脫鎧而耕歲省度支運錢安慶緒使史思明守范陽思明恃兵強爲自固計慶緒密遣阿史那承慶安守忠就督事且圖之承珽勸思明曰唐家中興與天下更始慶緒偷肆晷刻公殆與俱亡有如束身本朝湔洗前汙此反掌功耳思明善之斬承慶等奉表聽命始承恩爲冀州刺史失守思明護送東都故肅宗使自雲中趣幽州開說思明與承珽謀投鸞殺之不克死承珽奔李光弼表爲剋軍將軍封昌化郡王爲石嶺軍使王思禮爲節度使軍政倚辦焉久之移疾還京師卒年九十六

烏重胤字保君河東將承珽子也少爲潞牙將兼左司馬

節度使盧從史奉詔討王承宗陰與賊連吐突承璀將圖之以告重胤乃縛從史帳下士持兵合謹重胤叱曰天子有命從者賞違者斬士皆斂手還部無敢動憲宗嘉其功擢河陽節度使封張掖郡公帝討淮蔡詔重胤以兵壓賊境割汝州隸其軍與李光顏相犄角大小百餘戰凡三年賊平再遷檢校司空進邠國公徙橫海軍建言河朔能拒朝命者蓋刺史失權鎮將領軍能作威福也使刺史得職大帥雖有安祿山史思明之姦能據一州爲叛哉臣所管三州輒還刺史職各主其兵因請廢景州法制修立時以爲宜討王廷湊也出屯深州方朝廷號令乖迕賊寢不制重胤久不敢進穆宗以爲觀望詔杜叔良代之以重胤爲太子太保長慶末以檢校司徒同中書門下平章事爲山南西道節度使名至京師改節天平軍文宗初真拜司徒

氏姓譜

卷六

七虞 烏氏

四五

李同捷請襲父位帝方務靜安授同捷充海以重胤者將兼節度滄景以齊州隸軍未幾卒年六十七贈太尉謚懿穆重胤出行伍善撫士與下同甘苦蔡將李端降重胤蔡人執其妻殺之妻呼曰善事烏僕射得志大抵如此待官屈有禮當時有名士如溫造石洪皆在幕府旣沒士二十餘人刳股以祭子漢宏嗣爵居母喪奪爲左領軍衛將軍固辭帝嘉許之

五代

烏震冀州信都人也少事趙王玉鏐爲軍卒稍以功遷裨校隸符習軍習從莊宗于河上而鏐爲張文禮所弑震從習討文禮而家在趙文禮執震母妻及子十餘人以招震不顧文禮乃斷其手鼻割而不殊縱至習軍軍中皆不忍正視震一慟而止憤激自勵身先士卒晉軍攻破鎮州震

以功拜刺史歷深趙二州震爲人純質少好學通左氏春秋喜作詩善書及爲刺史以廉平爲政有聲遷冀州刺史兼北面水陸轉運使明宗聞其名擢拜河北道副招討使領寧國軍節度使代房知溫戍于盧臺軍始至而成兵龍匪等作亂見殺贈太師

烏野 勗字勉道生而好學國人呼爲秀才年十六從太祖攻江州又從幹離不襲遼主于石鞏

烏提 至元辛未爲真定總管修葺鬻舍振作文教

烏樞 至正間餘干縣尹抑強扶弱理訟均徭得民心淮兵陷餘干樞詣江浙行省乞兵克復州城後授饒州路總管

氏姓譜

卷六

七虞

烏氏

四

烏本良字性善慈谿人幼同弟斯道講論經史作詩習字爲先達所推獎父沒儲無擔石日營以奉母時斯道方弱冠季弟二女弟皆在齷齪仰給焉遂授徒錢塘以自資時有願以女妻之者本良曰此求爲母與弟衣食計耳所願未遂何暇及婚事後撫二弟稍長女弟嫁畢始婚一日得慈湖楊文元公遺書及春秋易解自謂如坐春風中遂以春風名齋

烏斯道 字繼善本良弟文尚體要尤長于詩興致高遠而

清酒田塵一掃元人過巧之弊宋景濂題曰斯道之作俊潔如明月珠洵湧如春江濤其爲名流推重如此尤精書法小楷行草各臻其妙遠近求之屢滿戶外國初用薦起爲永新令有惠政以疾去官民遮留不可得立生祠祀之所著有秋吟稿春草齋集子照字緝之亦以詩文擅名

烏潛字士哲建德人永樂進士授禮科給事中剛方敢言有聲朝署

瞿氏

見通志望出松陽又望出高平又複姓有瞿曇氏見後
歷代名賢

漢

瞿茂漢南太守

晉

瞿劭先生不得姓名亦不知何許人也太和末常居宣城郡界文脊山中山有瞿劭因以為名焉大司馬桓溫嘗往造之既至見先生被鹿裘坐于石室神無忤色溫及僚佐數十人皆莫測之乃命伏滔為之銘贊或作姓瞿名劭云
瞿雀子有妙道之思師事長梧子

氏姓譜

卷六

七虞

烏氏至 吧

瞿慶撰明遠遺宗三卷

唐

瞿栢廷辰溪人自幼靈異稱瞿童大歷間奉母避亂入武陵師事黃洞源而得道又云幼時因戲躍入井中後自大西華妙洞中出依善卷祠修道功成越桃川宮久之昇仙而去刺史溫造記其事

瞿楚賢工文詞嘗仰天作碧落賦言人心精神與天相通

宋

瞿光鄴字化基鄆城人官至樞密副使

瞿景鴻長沙人五世同居諡旌其門

元

瞿廷發字聲父其先汴人扈宋南渡居上海父君用承信郎廷發幼穎悟書一覽成誦才氣落落不羣二十六歲元

兵次臨安游騎及境廷袞挺身兵間率衆歸附一境賴以安命爲下沙鹽場副使擢進義校尉同提舉上海市舶秩滿召見授兩浙運司副使政多善蹟後以壽終

四

瞿佑字吉宗錢塘人年十四見楊廉夫香奩八題卽席倚和雋語叠出廉夫謂其叔祖士衡曰此君家千里駒也因以鞋盃命題佑製沁園香一闕廉夫大喜命伎歌以行酒又一日章彥夫來謁其父設雞酒待之彥夫卽席指雞爲題佑應聲曰宋宗窗下對談高五德聲名五采毛自是范張情義重割烹何必用牛刀彥夫稱賞之永樂初爲周府右長史輔導以正有聲于時所著有存齋詩話行于世

瞿九思字楮夫黃梅人父晟嘉靖三十二年進士歷官廣平知府鑿渠三百里引水爲四閘得田數十萬畝卒于官

氏姓譜

卷六

七虞

瞿氏

吳

九思十歲從父宦吉安事羅洪先十五作定志論後從同郡耿定向游學益進舉萬歷元年鄉試居二年縣令張維翰違制苛派民聚毆之維翰坐九思倡亂巡按御史向程劾維翰激變吏部尙書張瀚言御史議非是九思遂長流塞下子甲年十三爲書數千言歷抵公卿訟父寃甲弟罕亦伏闕上書求宥屠隆作訟瞿生書通告中外馮夢正亦白于楚中當事而張居正故才九思乃獲釋歸三十七年以撫按疏薦授翰林待詔力辭不受詔有司歲給米六十石終其身乃撰樂章及萬歷武功錄遣罕詣闕上之卒年七十一九思學極奧博其文章不雅馴然一時嗜古篤志之士亦鮮其儔甲字釋之年十九舉于鄉早卒罕字曰有七歲能文白父寃時往返徒步不避寒餒天下稱雙孝崇正時辟舉知州

瞿景淳字師道常熟人八歲能屬文久困諸生間教授里中自給嘉靖二十三年舉會試第一殿試第二授編修鄭王厚烷以言事廢徙鳳陽景淳奉敕封其子載堉爲世子攝國事世子內懼黷重幣景淳却之時恭順侯吳繼爵爲正使已受幣慚景淳亦謝不納旣而語景淳曰上遣使密謁狀微公吾幾中法滿九載遷侍讀請急歸江南久苦倭總督胡宗憲師未捷景淳還京謁大學士嚴嵩嵩語之曰倭且夕且平胡總督才足辦南中人短之何也景淳正色曰相公逢度之耳景淳自南來目覩倭患胡君坐擁十萬師南中人不得一安枕卧相公不欲聞誰爲言者嵩愕然謝之歷侍讀學士掌院事改太常卿領南京祭酒事賊遷吏部右侍郎隆慶元年名爲禮部左侍郎用總校永樂大典勞兼翰林院學士支二品俸侍經筵修嘉靖實錄疾作

氏姓譜

卷十六

七虞

瞿氏

兪

屢疏乞骸骨歸踰年卒贈禮部尙書謚文懿爲編修時典制詔錦衣陸炳先後四妻欲封最後者屬景淳撰詞不可介嚴嵩爲請亦不應橐金以投卒笑謝之子汝稷汝說瞿汝稷字元立好學工屬文以廕補官三遷刑部主事扶溝知縣扶宗人神宗令予重比汝稷曰是微服至邑庭官自秩扶溝民耳識上竟得釋歷黃州知府徙郟武再守辰州永順土司彭元錦助其弟保靖土司象坤與酉陽冉御龍相讐殺汝稷馳檄元錦解兵去三土司皆安尋遷長蘆鹽運使以太僕少卿致仕尋卒

瞿汝說字星臚五歲而孤構文成輒跪薦父木主前萬歷中舉進士官至湖廣提學僉事以剛正聞于式耜

瞿通合肥人元末江淮兵起通善長鎗號長鎗千戶後來歸積功至鳳陽指揮使以大都督府僉事致仕卒贈右都

督

瞿能洪武中都督僉事通子也嗣官以四川都指揮使從藍玉出大渡河擊西番有功又以副總兵討建昌叛酋月魯帖木兒破之雙狼寨燕師起從李景隆北征攻北平與其子帥精騎千餘攻張掖門垂克景隆忌之令候大軍同進于是燕人夜汲水沃城方大寒冰凝不可登景隆卒致大敗已又從景隆進駐白溝河與燕師戰能父子奮擊所向披靡日曠各收軍明日復戰燕王幾爲所及王急佯指後軍以疑之得脫去薄暮能復引衆搏戰大呼滅燕斬馘數百諸將俞通淵滕聚復帥衆來會會旋風起王突入賊擊能父子死于陣

瞿式耜字起田禮部侍郎景淳孫湖廣參議汝說子也舉萬歷四十四年進士授吉安永豐知縣有惠政天啟元年

氏姓譜

卷六

七虞

瞿氏

五

湖江陵永豐民乞留命再任以憂歸崇正元年擢戶科給事中疏言李國樞宜留內閣王永光宜典銓曹于汴宜秉憲鄭三俊畢懋良宜總版曹李邦華宜主戎政帝多采其言俄陳朝政不平爲王之寀請恤孫慎行訟寃速楊錦王化貞之誅白楊漣左光斗結毒之謗追論故相魏廣微顧秉謙馮銓黃立極之罪因言奪情建祠之朱童蒙不可寬積愆久廢之湯賓尹不可用帝亦納之又極論來宗道楊景辰附逆不可居政府二人旋罷去御史袁宏勛劾大學士劉鴻訓逆黨徐大化實主之川貴總督張鶴鳴鳴先已被廢其復用由魏忠賢式耜竝疏論已頌楊漣魏大中周順昌爲清中之清忠中之忠三人遂賜諡未幾陳時務七事言起廢不可不核陞遷不可不漸會推不可不慎諡典宜嚴刑章宜飭論人宜審附璫者宜區分又極論館選奔競

之弊請臨軒親試末言古有左右史記天子言動今名對時勤宜令史官人侍紀錄昭示朝野事多議行時將定逆案請盡發紅本定其情罪輕重又言宣府巡撫徐彥良不附逆奄爲崔呈秀誣劾遣戍亟當登用彥良遂獲起式邦矯矯立名所建白多當帝意然搏擊權豪大臣多畏其口十月詔會推閣臣禮部侍郎錢謙益以同官周延儒方言事蒙眷慮竝推則已繙謀沮之式邦謙益門人也言于當事者攢延儒弗推而列謙益第二溫體仁遂發難延儒助之謙益奪官閒住式邦坐貶謫式邦嘗頌貴寧參政胡平表殺賊功請優擢其後平表爲貴州布政使坐不謹罷式邦再貶二秩遂廢于家久之常熟奸民張漢儒希體仁指訐謙益式邦貪肆不法體仁主之下法司逮治巡撫張國維巡按路振飛交章白其冤不聽比兩人就獄則體仁已

氏姓譜

卷七

七虞

瞿氏

五

去位獄稍解謙益坐削籍式邦贖徒言官疏薦不納十七年福王立于南京八月起式邦應天府丞已擢右僉都御史代方震孺巡撫廣西明年夏甫抵梧州聞南京破靖江王亨嘉謀僭號名式邦拒不往而檄思恩參將陳邦傳助防止狼兵勿應亨嘉調亨嘉至梧州式邦幽之桂林遣人取其敕印初式邦議立桂端王子安仁王及唐王監國式邦以爲倫序不當立不奉表勸進至是爲亨嘉所幽乃遣使賀王因乞援王喜而亨嘉爲丁魁楚所攻勢窘乃釋式邦式邦與中軍官焦璉名邦傳共執亨嘉亂遂定唐王擢式邦兵部右侍郎協理戎政以晏日曙來代式邦不入朝退居廣東

順治三年九月

大兵破汀州式邦與魁楚等議立永明王由榔乃迎王梧

州以十月十日監國肇慶進式耜吏部右侍郎東閣大學士掌吏部事未幾贛州敗報至司禮王坤迫王赴梧州式耜力爭不得十一月朔蘇觀生立唐王聿錞于廣州式耜乃與魁楚等定議迎王還肇慶遣總督林佳鼎禦觀生兵敗沒式耜視師峽口十二月望

大兵破廣州王坤趨王西走式耜趨赴王王已越梧而西四年正月

大兵破肇慶逼梧州巡撫曹學佺降王欲走依向騰蛟于湖廣丁魁楚呂大器王化澄皆棄王去止式耜及吳炳吳貞毓等從乃由平樂抵桂林二月

大兵襲平樂分兵趨桂林王將走全州式耜極陳桂林形勢請留不許自請留守許之進文淵閣大學士兼兵部尚書賜劍便宜從事平樂潯州相繼破桂林危甚總督侍郎

氏姓譜

卷七

七虞

瞿氏

五

朱盛濃走靈川巡按御史辜延泰走融縣布政使朱盛澗副使楊垂雲桂林知府王熹卿以下皆遁惟式耜與通判鄭國藩縣丞李世榮及都司林應昌李當瑞沈煌在焉王令兵部右侍郎丁元學代盛濃禦史魯可藻代延泰未赴而

大兵已于三月薄桂林以騎數十突入文昌門登城樓瞰式耜公署式耜急令援將焦璉拒戰初永明王爲賊執璉率衆攀城上破械出之王病不能行璉負王以行王以此德璉用破靖江王功命爲參將及是戰守三月璉功最多元學可藻亦盡方式耜身立矢石中與士卒同甘苦積雨城壞吏士無人色式耜督城守自如故人無叛志援兵索餉而譁式耜括庫不足妻郇捐簪珥佐之旣而璉兵主客不和諫而去城幾破者數矣會陳邦彥等攻廣州

大兵引而東桂林獲全璉亦復陽朔及平樂陳邦傳亦由潯復梧州王聞捷封式耜臨桂伯璉新興伯元晏等進秩有差式耜初請王返全州不聽已請還桂林王已許之會

武岡破王由靖州走柳州式耜復請還桂林十一月

大兵自湖南逼全州式耜偕騰蛟拒却已梧州復破王方在象州欲走南寧以大臣力爭乃以十二月還桂林五年二月南安侯郝永忠駐桂林惡城外團練兵盡破水東十八村殺戮無算與式耜構難式耜力調劑永忠乃駐興安大兵前驅至靈川永忠戰敗奔入桂林請王卽夕西走式耜力爭不聽左右皆請速駕式耜又爭王曰卿不過欲予死社稷耳式耜爲泣下沾衣王甫行永忠卽大掠捶殺太常卿黃太元式耜家亦被掠家人矯騰蛟令箭乃出城日中趙印選諸營自靈川至亦大掠城內外如洗永忠走柳州印選等走永寧明日式耜息城中餘燼安撫遠近焦璉及諸鎮周金湯兆佐胡一青等各率所部至騰蛟軍亦至三月

大兵知桂林有變來襲抵北門騰蛟督諸將拒賊城獲全時王駐南寧式耜遣使慰三宮起居王始知式耜無恙爲泣下閩三月廣東李成棟江西金聲桓皆叛

大清據地歸式耜請王還桂林王從成棟請將赴廣州式耜慮成棟挾王自專如劉承允事力爭之乃駐肇慶十一月永州寶慶衡州並復式耜以機會可乘請王還桂林圖出楚之計不納慶國公陳邦傳守潯州自稱世守廣西欲如黔國公例式耜特疏劾之會中外多爭者邦傳乃止廣西巡撫魯可藻自署銜巡撫兩廣式耜亦疏駁之式耜身在外政有關必疏諫嘗曰臣與主上患難相隨休戚與共

氏姓譜

卷六

七虞 瞿氏

五

不同他臣一切大政自得與聞王爲褒納而是時成棟子元允專朝政知敬式耜袁彭年丁時魁金堡等遂爭相倚附六年正月時魁等逐朱天麟不欲何吾騶爲首輔名式耜入直以文淵印畀之式耜終不入也未幾騰蛟聲桓成棟相繼敗沒國勢大危朝士方植黨相角式耜不能禁七年正月南雄破王懼走梧州諸大臣許時魁等下獄式耜七疏論救胡執恭之擅封孫可望也式耜疏請斬之皆不納九月全州破開國公趙印選居桂林衛國公胡一青守榕江與寧遠伯王永祚皆懼不出兵

大兵遂入嚴關十月一青永祚入桂林分餉榕江無戍兵大兵益深入十一月五日式耜檄印選出不肯行再趣之則盡室逃一青及武陵侯楊國棟綏寧伯蒲櫻寧武伯馬養麟亦逃去永祚迎降城中無一兵式耜端坐府中家人

氏姓譜

卷六

七虞

瞿氏

五

亦散部將戚良勛請式耜上馬速走式耜堅不聽叱退之俄總督張同做至誓偕死乃相對飲酒一老兵侍名中軍徐高付以敕印屬馳送王是夕兩人秉燭危坐黎明數騎至式耜曰吾兩人待死久矣遂與偕行至則踞坐于地諭之降不聽幽于民舍兩人日賦詩倡和得百餘首至閩十一月十有七日將就刑天大雷電空中震擊者三遠近稱異遂與同做俱死

瞿嗣興字華卿常熟人事母至孝母思芟食時芟始花求之不得嗣興入水半日忽得三芟人稱孝感所致宋景濂傳其事

瞿俊字世用常熟人狀貌偉岸不修邊幅而廉潔風感動人成化中舉進士授御史出按江右刺舉不避遷副使律已廉不可干以私病乞致任家徒壁立惟有圖書數百卷

瞿繼祖長沙衛人中嘉靖甲午鄉魁選永州尹不赴扁其室曰雙清壽七十有九自號逸民

瞿道士黃尊師弟子也修道于茅山法錄絕高靈應非一瞿年少不甚精思屢爲黃師所笞草堂東有一小洞高八尺荒蔓蒙蔽似蛇虺所伏一日瞿又怠惰爲師所笞逡巡避救遂入此洞黃公驚異遣去草搜一無所見食頃方出持一碁子曰適觀秦時人留食見遺此秦人碁子也黃公方怪之尙意其狐狸所魅亦不甚信茅山世傳仙府學道者數百千皆宗黃公悉以爲德業階品尋合上昇每至辰無不瞻望雲鶴明年八月望夜天氣晴肅月光如晝中宵雲霧大起仙樂滿庭復有步虛聲弟子皆以黃公上仙之期將曉氣烟漸散見瞿生乘五色雲自東方出在庭中靈樂鸞鶴彌漫空際于雲間再拜黃公曰尊師卽當來更

氏姓譜

卷六

七虞

瞿氏

五

務修造亦不久矣復與諸徒訣別乘風遂去隱隱猶聞樂音金陵父老每傳此事

瞿素永寧人遭寇劫死不虧行與東陽榔米並著節義

歷代列女

瞿夫人彥章人隋末兄爲辰州刺史有黃元仙者亦自豫章來見瞿君高其行以夫人妻之復薦其才德以自代隋亡乃棄官與夫人隱于川西之羅山貧甚爲人傭織以養其姑如此者十年一日忽謂元仙曰昨日聞帝命當與汝別俄頃化爲青氣數丈騰空而去

瞿氏婦黃梅人瞿平妻也姓李氏年十八夫卒每日置夫衣冠書籍于庭撫而哭之苦節六十餘年懷宗時建貞節坊

瞿氏江都貢士瞿之秀女也之秀家教整肅衣服習其訓

許字文學焦賡泰未嫁城陷請于父曰予處子也侯強暴見及死悔晚矣遂書一帖置懷中自縊

瞿氏黔陽人向朝禮妻于歸甫七月朝禮死氏年十六遺腹生子昌明氏甘貧守節誓不再嫁事姑楊氏及繼姑粟氏皆竭心力得其歡心撫育遺孤成立年六十餘卒有司表其門閭

氏姓譜

卷七

七虞

瞿氏

五

氏姓譜卷十六終

歷代名賢列女氏姓譜卷之十七

湘鄉

蕭智漢雲澤氏纂輯

男秉信明甫氏校

上平聲

七虞

胡氏

子爵其地在今潁州汝陰西二里胡城是也定十五年楚滅之其後以國爲氏或云胡公滿封于陳其後亦爲胡氏又樂陵之胡賜姓李又河南之胡改紇骨氏又肆考東漢胡廣本姓黃五月五日生父棄之胡公見而舉之遂姓胡

歷代名賢

胡建字子孟河東人也孝武天漢中守軍正丞貧亡車馬

氏姓譜

卷七

七虞

胡氏

常步與走卒起居所以尉薦走卒甚得其心時監軍御史爲姦穿北軍壘垣以爲賈區建欲誅之乃約其走卒曰我欲與公有所誅吾言取之則取斬之則斬于是當選士馬日監御史與護軍諸校列坐堂皇上建從走卒趨至堂皇下拜謁因上堂走卒皆上建指監御史曰取彼走卒前曳下堂皇建曰斬之遂斬御史護軍諸校皆愕驚不知所以建亦已有成奏在其懷中遂上奏曰臣聞軍法立武以威衆誅惡以禁邪今監御史公穿軍垣以求賈利私買賣以與士市不立剛毅之心勇猛之節亡以帥先士大夫尤失理不公用文吏議不至重法黃帝李法曰壁壘已定穿窬不由路是謂姦人姦人者殺臣請按軍法曰正亡屬將軍將軍有罪以聞二千石以下行法焉丞于用法疑執事不諉上臣謹以斬昧死以聞制曰司馬法曰國容不入軍軍

容不入國何文吏也三王或誓于軍中欲民先成其慮也
或誓于軍門之外欲民先意以待事也或將交刃而誓致
民志也建又何疑焉建由是顯名後爲渭城令治甚有聲
值昭帝幼皇后父上官將軍安與帝姊蓋主私夫丁外人
相善外人驕恣怨故京兆尹樊福使客射殺之客藏公主
臚吏不敢捕渭城令建將吏卒圍捕蓋主聞之與外人士
官將軍多從奴客往犇射追吏散走主使僕射劾渭城
令游微傷主家奴建報亡它坐蓋主怒使人上書告建侵
辱長公主射甲舍門知吏賊傷奴辟報故不窮審大將軍
霍光寢其奏後光病上官氏代聽事下吏捕建建自殺吏
民稱寃至今渭城立其祠

胡廣字伯始南郡華容人也六世祖剛清高有志節平帝
時大司農馬宮辟之值王莽居攝剛解其衣冠懸府門而
氏姓譜

卷七

七虞 胡氏

二

去遂亡命交趾隱于屠肆之間後莽敗乃歸鄉里父貢交
趾都尉廣少孤貧親執家苦長大隨輩入郡爲散吏太守
法雄之子真從家來省其父真頗知人會歲終應舉雄敕
真助其求才雄因大會諸吏真自于牖間密占察之乃指
廣以白雄遂舉孝廉旣到京師試以章奏安帝以廣爲天
下第一旬月拜尚書郎五遷尚書僕射順帝欲立皇后而
貴人有寵者四人莫知所建議欲探籌以神定選廣與尚
書郭虔史敞疏諫帝從之以梁貴人良家子定立爲皇后
時尚書令左雄議改察舉之制限年四十以上儒者試經
學文吏試章奏廣復與敞虔上書駁之帝不從時陳留郡
缺職尚書史敞等薦廣曰臣聞德以旌賢爵以建事明試
以功典謨所美五服五章天秩所作是以臣竭其忠君豐
其寵舉不失德下忘其死竊見尚書僕射胡廣體真履規

謙虛溫雅博物洽聞探蹟窮理六經典與舊章憲式無所
不覓柔而不犯文而有禮忠貞之性夏公如家不矜其能
不伐其勞翼翼周慎行靡玷漏密勿夙夜十有餘年心不
外顧志不苟進臣等竊以爲廣在尚書劬勞日久後母年
老旣蒙簡煦宜試職千里匡寧方國陳留近郡今太守任
缺廣才畧深茂堪能撥煩願以參選紀綱頽俗使束修守
善有所勸飭廣典機事十年出爲濟陰太守以舉吏不實
免復爲汝南太守入拜大司農漢安元年遷司徒質帝崩
代李固爲太尉錄尚書事以定策立桓帝封育陽安樂鄉
侯以疾遜位又拜司空告老致仕尋以特進徵拜太常遷
太尉以日食免復爲太常拜太尉延熹二年大將軍梁冀
誅廣與司徒韓續司空孫朗坐不衛官皆滅死一等奪爵
士免爲庶人後拜大中大夫太常九年復拜司徒靈帝立

氏姓譜

卷七

七真

胡氏

三

與大傅陳蕃參錄尚書事復封故國以病自乞會蕃被誅
代爲太傅總錄如故時年已八十而心力克壯繼母在堂
朝夕瞻省傍無几杖言不稱老及母卒居喪盡哀率禮無
愆性溫柔謹素常遜言恭色達練事體明解朝章雖無譽
直之風屢有補闕之益故京師諺曰萬事不理問伯始天
下中庸有胡公及共李固定策大議不全又與中常侍丁
肅婚姻以此譏毀于時自在公台三十餘年歷事六帝禮
任甚優每遜位辭疾及免退田里未嘗滿歲輒復升進凡
一履司空再作司徒三登太尉又爲太傅其所辟命皆天
下名士與故吏陳蕃李咸竝爲三司蕃等每朝會輒稱疾
避廣時人榮之年八十二熹平元年薨使五官中郎將持
節奉策贈太傅安樂鄉侯印綬給東園梓器謁者護喪賜
冢塋于原陵諡文恭侯拜家一人爲郎中故吏自公卿大

夫博士議郎以下數百人皆褻經殯位自終及堊漢興以來人臣之盛未嘗有也初揚雄依虞箴作十二州二十五官箴其九箴亡闕後涿郡崔駰及子瑗又臨邑侯劉駒駮增補十六篇廣復繼作四篇文甚典美乃悉撰次首目爲之解釋名曰百官箴凡四十八篇其餘所著詩賦銘頌箴弔及諸解詁凡二十二篇熹平六年靈帝思感舊德乃圖書廣及太尉黃瓊于省內詔議郎蔡邕爲其頌云

胡騰字子升桂陽人武府掾桓帝巡狩南陽以騰爲護駕從事公卿貴戚車乘萬計徵求費役不可勝極騰上言天子無外乘輿所幸卽爲京師臣請以荊州刺史比司隸校尉臣自同都從事從之自是肅然莫敢妄有干請騰以此顯名官至尙書

胡烈襄陽大守築石堤民歌之曰譬春之陽如冬之日耕

姓氏譜

卷七

七虞 胡氏

四

者讓畔百姓豐溢惟我胡公恩惠難及

胡安臨邛人聚徒教于白鶴山司馬相如嘗從之受經

胡勃豫章人仕吳爲郡功曹嘉禾初太守黃翊爲人所誣勃懷斧詣闕乞代翊罪吳王嘉之後爲吳江太守吳亡入晉懸車不仕

胡質字文德楚國壽春人也少與蔣濟朱績俱知名于江淮間仕州郡蔣濟爲別駕使見曹操操問曰胡通達長者也寧有子孫不濟曰有子曰質規模大畧不及于父至于精良綜事過之卽名質爲頓邱令縣民郭政通于從妹殺其夫程他郡吏馮諒繫獄爲證政與妹皆耐掠隱抵諒不勝痛自誣當反其罪質至官察其情色更詳其事檢驗具服入爲丞相東曹議令史州請爲治中將軍張遼與其護

軍武周有隙遼見刺史溫恢求請質質辭以疾遼出謂質曰僕委意于君何以相辜如此質曰古人之交也取多知其不貪奔北知其不怯聞流言而不信故可終也武伯南身爲雅士往者將軍稱之不容于口今以睚眦之恨乃爲嫌隙況質才薄豈能終好是以不願也遼感言復與周平操辟爲丞相屬黃初中徙吏部郎爲常山太守遷任東莞士盧顯爲人所殺質曰此士無仇而有少妻所以死乎悉見其比居年少書吏李若見問而色動遂窮詰情狀若卽自首罪人斯得每軍功賞賜皆散之于衆無入家者在郡九年吏民便安將士用命遷荊州刺史加振威將軍賜爵關內侯吳大將朱然圍樊城質輕軍赴之議者皆以爲賊盛不可迫質曰樊城卑下兵少故當進軍爲之外援不然危矣遂勒兵臨圍城中乃安遷征東將軍假節都督青徐

氏姓譜

卷七

七虞

胡氏

五

諸軍事廣農積穀有兼年之儲置東征臺且佃且守又通渠諸郡利舟楫嚴設備以待敵海邊無事性沉實內察不以其節檢物所在見思嘉平二年薨家無餘財惟有賜衣書篋而已軍師以聞追進封陽陵亭侯邑百戶諡曰貞侯胡瞻字孔明潁川人養志不仕始避地冀州辭袁紹之命遁還鄉里曹操爲司空丞相頻加禮辟昭往應命旣至自陳一介野生無軍國之用歸誠求去操曰人各有志出處異趣勉卒雅尙義不相屈昭乃轉居陸渾山中躬耕樂道以經籍自娛閭里敬而愛之建安二十三年陸渾長張固被書調丁夫當給漢中百姓惡憚遠役並懷擾擾民孫狼等因興兵殺縣主簿作爲叛亂縣邑殘破固率將十餘吏卒依昭住止招集遺民安復社稷狼等遂南附關羽羽援卽給兵還爲賊寇到陸渾南長樂亭自相約誓言胡居士

賢者也一不得犯其部落一川賴昭咸無怵惕天下安輯
徙宅宜陽正始中驃騎將軍趙儼尙書黃休郭彛散騎常
侍荀顛鍾毓太僕庾嶷宏農太守何楨等遞薦昭曰天真
高絜老而彌篤元虛靜素有夷皓之節宜蒙徵命以勵風
俗至熹平二年公車特徵會卒年八十九疇子纂卽中初
昭善史書與鍾繇邯鄲淳衛顛章誕竝有名尺牘之迹動
見模楷焉

胡綜字偉則汝南固始人也少孤母將避難江東孫策領
會稽太守綜年十四爲門下循行留吳與孫權共讀書策
薨權爲討虜將軍以綜爲金曹從事從討黃祖疇鄂長權
爲車騎將軍都京名綜還爲書部與是儀徐詳俱典軍國
密事劉先主下白帝權以見兵少使綜料諸縣得六千人
立解煩兩部詳領左部綜領右部督吳將晉宗叛歸魏魏

氏姓譜

卷七

七虞

胡氏

六

以宗爲蘄春太守去江數百里數爲寇害權使綜與賀齊
輕行掩襲生虜得宗加建武中郎將魏疇權爲吳王封綜
儀詳皆爲亭侯黃武八年夏黃龍見舉口于是權稱尊號
因瑞改元又作黃龍大牙常在中軍諸軍進退視其所向
命綜作賦文辭典雅蜀閩權賤昨遣使重申前好綜爲盟
文文義甚美權下都建業詳綜竝爲侍中進封鄉侯兼左
右領軍時魏降人或云魏都督河北振威將軍吳質頗見
猜疑綜乃僞爲質作降文三條此文旣流行而質已入爲
侍中矣二年青州人隱蕃歸吳上書曰臣聞紂爲無道微
子先出高禴竟明陳平先入臣年二十二委棄封域歸命
有道顛蒙天靈得自全致臣至止有日而主者同之降人
未見精別使臣微言妙旨不得上達於邑三歎曷惟其已
謹詣闕拜章乞蒙引見權卽召入蕃謝答問及陳時務甚

有辭觀綜時侍坐權問何如綜對曰蕃上書大語有似東方朔巧捷詭辯有似禰衡而才皆不及權又問可堪何官綜對曰未可以治民且試以都輦小職權以蕃盛論刑獄用爲廷尉監左將軍朱據廷尉郝普稱蕃有王佐之才普尤與之親善常怨歎其屈後蕃謀叛事覺伏誅普見責自殺據禁止歷時乃解拜綜偏將軍兼左執法領辭訟遼東之事輔吳將軍張昭以諫權言辭切至權亦大怒其協和彼此使之無隙綜有力焉性嗜酒酒後歡呼極意或推引杯觴搏擊左右權愛其才弗之責也凡自權統事諸文帶策命鄰國書符畧皆綜之所造也初以內外多事特立科長吏遭喪皆不得去而數有犯者權患之使朝臣下議綜議以爲宜定科文示以大辟行之一人其後必絕遂用綜言由是喪奔乃斷赤烏六年卒子冲嗣冲和平有文幹天

氏姓譜

卷七

七虞

胡氏

七

紀中爲中書令

胡休字吉甫豫章人爲潯陽令有德化嘉禾生于庭白鸞翔于野後遷九真都尉河東太守

晉

胡威字伯武一名魏少有志尙厲操清曰父質之爲荊州也威自京都定省家貧無車馬僮僕自驅驢單行每至客舍躬放驢取樵炊爨食畢復隨侶進道旣至見父停殿中十餘日告歸父賜絹一匹爲裝威曰大人清高不審于何得此絹質曰是吾俸祿之餘以爲汝糧耳威受之辭歸質帳下都督先威未發請假還家陰資裝于百餘里要威爲伴每事佐助行數百里威疑而誘問之旣知乃取所賜絹與都督謝而遣之後因他信以白質質杖都督一百除吏名其父子清慎如此于是名譽著聞拜侍御史歷南鄉侯

安豐太守遷徐州刺史勤于政術風化大行後入朝武帝
語及平生因歎其父清謂威曰卿孰與父清對曰臣不如
也帝曰卿父以何爲勝邪對曰臣父清恐人知臣清恐人
不知是臣不及遠也帝以威言直而婉謙而順累遷監豫
州諸軍事右將軍豫州刺史入爲尙書加奉車都尉威嘗
諫時政之寬帝曰尙書郎以下吾無所假借威曰臣之所
陳豈在丞郎令史正謂如臣等輩始可以肅化明法耳拜
前將軍監青州諸軍事青州刺史以功封平春侯太康元
年卒于位追贈使持節都督青州諸軍事鎮東將軍餘如
故諡曰烈子奕嗣奕字次孫仕至平東將軍威弟羆字季
象亦有幹用仕至益州刺史安東將軍

胡奮字元威安定臨涇人也魏車騎將軍陰密侯遵之子
也奮性開朗有籌畧少好武事宣帝之伐遼東也以白衣

氏姓譜 卷七

七虞 胡氏

八

侍從左右甚見接待還爲校尉稍遷徐州刺史封夏陽子
匈奴中部帥劉猛叛使驍騎路蕃討之以奮爲監軍假節
頓軍涇北爲蕃後繼擊猛破之猛帳下將李恪斬猛而降
以功累遷征南將軍假節都督荊州諸軍事遷護軍加散
騎常侍奮家世將門晚乃好學有刀筆之用所在有聲績
居邊特有威惠泰始末武帝怠政事而耽于色大採擇公
卿女以充六宮奮女選入爲貴人奮惟有一子爲南陽王
友早亡及聞女爲貴人哭曰老奴不死惟有二兒男入九
地之下女上九天之上奮旣舊臣兼有椒房之助甚見寵
待遷左僕射鎮軍大將軍開府儀同三司時楊駿以后父
驕傲自得奮謂駿曰卿恃女更益豪邪歷觀前代與天家
婚未有不減門者但早晚事耳觀卿舉措適所以速禍駿
曰卿女不在天家乎奮曰我女與卿女作婢耳何能損益

時人皆爲之懼駿雖銜之而不能害後卒于官贈車騎將軍諡曰壯奮兄弟六人兄廣弟烈並知名

胡頴字方秀吳興東遷人也其先寓居吳興土斷爲民頴偉姿容性寬厚梁末陳武帝在廣州頴深自結託從克元景仲平蔡路養李遷仕皆有功武帝進軍頓西昌以頴爲巴邱令鎮大舉督糧運下至豫章以頴監豫章郡武帝率衆與王僧辯會于白茅灣同討侯景以頴知留府事梁承聖初元帝授頴羅州刺史封漢陽縣侯尋除豫章內史隨武帝鎮京口齊遣郭元建出東關武帝令頴率府內驍勇隨侯瑱于東關大破之後從武帝襲王僧辯又隨周文育于吳興討杜龕武帝受禪兼左衛將軍天嘉元年除散騎常侍吳興太守其年六月卒時年五十四贈侍中中護軍

氏姓譜

卷七

七虞

胡氏

九

諡曰壯二年配享武帝廟庭

胡小彪河南河陰人也少有武氣正光末爲統軍于晉壽孝昌中梁將樊文熾等寇邊益州刺史劭蚪遣長史和安固守小劍文熾圍之蚪命小彪與統軍崔珍寶同往防拒文熾掩襲小彪珍寶並擒之文熾攻小劍未陷乃將珍寶至城下使謂和安曰南軍強盛北救不來豈若歸款取其富貴和安命射之乃退復逼小彪與和安交言小彪乃慷慨謂安曰我柵不防爲賊所虜觀其兵士勢不足言努力堅守魏行臺傳梁州遣將已至賊以刀毆擊言不得終遂害之三軍無不歎其壯節哀其死亡賊尋奔敗禽其次將蕭世澄陳文緒等一十一人行臺魏子建壯其氣槩啟以世澄購其屍柩乃獲骸骨歸葬之

胡僧祐字願果南陽冠軍人少勇決有武幹仕魏至銀青

光祿大夫以大通二年歸梁頓上封事武帝器之拜文德
主帥使戍項城魏克項城因入北中大通元年陳慶之送
魏北海王元顥入洛陽僧祐又得還梁除南天水天門二
郡太守有善政性好讀書愛緝綴然文詞鄙俚多被譏諱
而自謂實工矜伐愈甚晚事梁元帝侯景之亂西沮蠻反
帝令僧祐討之使盡誅其渠帥僧祐諫忤旨下獄大寶二
年景圍王僧辯于巴陵元帝乃引僧祐于獄拜爲假節武
猛將軍封新市縣侯令赴援僧辯將發泣謂其子玘曰汝
可開朱白二門吾不捷則死元帝聞而壯之前至赤砂亭
會陸法和至乃與并軍大敗景將任約軍禽約送于江陵
景聞之遂遁元帝以僧祐爲領軍將軍徵還荊州承聖二
年進爲車騎將軍開府儀同三司及魏軍至以僧祐爲都
督城東諸軍事魏軍四面起攻百道齊舉僧祐親當矢石

氏姓譜

卷七

七虞

胡氏

十

晝夜督戰獎勵將士明于賞罰衆皆感之咸爲致死所向
摧殄賊莫敢前俄而中流矢卒時年六十三元帝聞之馳
往臨哭于是內外惶駭城遂陷

胡方回安定臨涇人父義周姚泓黃門侍郎方回仕赫連
屈丐爲中書侍郎涉獵史籍辭彩可觀爲屈丐統萬城銘
地祠碑諸文頗行于世太武破赫連昌方回入魏未爲時
所知後爲鎮北司馬爲鎮修表有所稱慶帝覽之嗟美問
知方回名爲中書博士賜爵臨涇子遷侍郎與太子少傅
游雅等改定律制司徒崔浩及當時朝賢並愛重之清貧
守道以壽終

胡叟字倫許安定臨涇人也世爲西夏著姓叟少聰敏年
十三辨疑釋理解有屈焉學不師受披讀羣籍再闕于日
皆誦于口好屬文旣善典雅之詞又工鄙俗之句以姚氏

將衰遂入長安觀風化隱匿名行懼人見知時京兆韋祖
思少閱典墳多覆時輩待叟不足叟拂衣而出祖思固留
之曰當與君論天人之際何遽而反乎叟對曰論天人者
其亡久矣與君相知何夸言若是遂歸主人家賦韋杜二
族一宿而成時年十八矣其述前載無違舊美叙中世有
協時事而未及鄙驥人皆奇其才畏其筆叟孤飄坎壈未
有仕路遂入漢中宋梁秦二州刺史馮翊吉翰頗相禮接
授叟末佐不稱其懷未幾翰遷益州叟隨入蜀時蜀沙門
法城率僧數千人鑄丈六金像宋文帝惡其聚眾將加大
辟叟聞之卽赴丹陽啟申其美遂得免復還蜀法成遣其
珍物價值千餘匹叟一無所受後入沮渠牧犍牧犍遇之
不重叟乃爲詩示所知廣平程伯達其畧曰羣犬吠新客
佞間排踈賓直途旣已塞曲路非所遵望衛悅祝鮪所楚

氏姓譜

卷七

七虞

胡氏

十一

悼靈均何用宣憂懷託翰寄輔仁伯達見詩謂叟曰涼州
雖地居戎域然自張氏以來號有華風今則憲章無虧曷
祝鮪之有叟曰貴主奉正朔而弗淳慕仁義而未允吾之
擇木夙在大魏與子暫違非久濶也歲餘牧犍破降叟旣
先歸魏朝廷以其識機賜爵始復男家于密雲蓬室草筵
惟以酒自適謂友人金城宗舒曰我此生活似勝焦先志
意所栖謝其高矣文成時名叟及舒並使作檄宋蠕蠕
舒文劣于叟尋歸家不治產業常苦飢貧然不以爲恥養
子字螟蛉以自給養每至貴勝之門恒乘一犂牛繫韋袴
褶而已作布囊容三四斗飲噉醉飽便盛餘肉餅以付螟
蛉見車馬榮華者視之蔑如也尙書李敷嘗遺以財都無
所取初叟一見高允曰吳鄭之交以紆縞爲美談吾之子
子以弦韋爲幽贊以此言之彼可無愧也于允館見巾書

侍郎趙郡李璨被服華靡叟貧老衣褐璨頗忽之叟謂之曰老子今若相許脫體上袴裙衣帽君欲作何計也譏其惟假盛服璨惕然失色叟少孤每言及父母則淚下若孺子之號春秋當祭之前則先求旨酒美膳將其所知廣賓常順陽馮翊田文宗上谷侯法儁攜壺執俎至郭外空靜處設坐奠拜盡孝思之敬時敦煌汜潛家善釀酒每節送一壺與叟著作侍郎傳陵許赤武河東裴定宗等謂潛曰再三之惠以爲過厚子惠于叟何其恒也潛曰我恒給祭者以其恒于孝思也論者以潛爲君子矣順陽等數子廩叟獎示頗涉文流高閭曾造其家飽叟短褐曳柴從田歸舍爲閭設濁酒蔬食皆手自辦集其館宇卑陋園疇褊局而飯菜精潔醯醬調美見其二妾並年衰跛眇衣布穿敝閭見其貧以衣物值十餘匹贈之亦無辭免閭作宣命賦

氏姓譜

卷七

七虞

胡氏

十一

叟爲之序密雲左右皆祇仰其德歲時奉以麻布穀麥叟隨分散之家無餘財年八十而卒無子無家人營主凶事胡始昌迎而殯之于家塋于墓次卽令一弟繼之襲其爵始復男武威將軍叟與始昌雖宗室而性氣殊詭不相奸附其存也往來乃簡及亡而收恤至厚議者以爲非必敦哀疎宗或緣求利品秩也

胡藩字道序豫章南昌人也祖隨散騎常侍父仲任治書侍御史藩少孤居喪以毀稱太守韓伯見之謂藩叔尙書少廣曰卿此姪當以義烈成名州府辟召不就須二弟冠婚畢乃參郟恢征虜軍事時殷仲堪爲荊州刺史藩外兄羅侖生爲仲堪參軍藩過江陵省侖生因說仲堪曰桓元意趣不常節下崇待太過非將來計也仲堪不悅藩退而謂侖生曰倒戈授人必至之禍若不早去後悔無及後元

自夏口襲仲堪藩參元後軍軍事仲堪敗命生果以附從及禍藩轉參太尉將軍相國軍事宋武帝起兵元戰敗將田奔藩扣馬曰今羽林射手猶有八百皆是義故西人一巨捨此欲歸可復得乎元直以馬鞭指天而已于是奔散相失追及元于蕪湖元見藩喜謂張須無曰鄴州故爲多士今復見王修桑落之敗藩艦被燒并鎧入水潛行三十許步方得登岸乃還家武帝素聞藩直言于殷氏又爲元盡節名參鎮軍軍事從征慕容超超軍屯聚臨朐藩言于武帝曰賊屯軍城外留守必寡今往取其城而斬其旗幟此韓信所以克趙也帝乃遣檀韶與藩潛往卽克其城賊見城陷一時奔走還保廣固累月將拔之夜忽有烏大如鷲蒼黑色飛入帝帳裏皆駭愕以爲不祥藩起賀曰蒼黑者胡虜之色胡虜歸我大吉之兆明日攻城陷之從討盧

氏姓譜

卷七

七虞

胡氏

三

循于左里頻戰有功封吳平縣五等子尋除鄱陽太守從伐劉毅初毅當之荊州表求東道還京辭墓去都數十里不過拜闕帝出倪塘會之藩勸于坐殺毅帝不從至是謂藩曰昔從卿倪塘之謀無今舉也又從征司馬休之復爲參軍徐達之敗沒帝怒甚卽日于馬頭岸渡江江津岸壁立數丈休之臨岸置陣無由可登帝呼藩令上藩有疑色帝奮怒命左右錄來欲斬之藩不受命顧曰藩寧前死耳以刀頭穿岸少容脚指徑上隨之者稍多旣登岸殊死戰賊之從伐闕中參太尉軍事統別軍至河東暴風漂藩重艦渡北岸魏軍牽得此艦藩氣憤率左右十二人乘小船迎往魏騎五六百見藩來竝笑之藩素善射登岸射之應弦而倒者十許人魏軍皆退悉收所失而反又遣藩及朱超石等追魏軍于平城魏騎數萬合圍藩及超石不盈五

千力戰大破之武帝還彭城參相國軍事論平司馬休之及廣固功封陽山縣男元嘉中位太子左衛率卒時年六十二諡曰壯侯子隆世嗣官至西陽太守

胡諧之豫章南昌人也祖康之治書侍御史父翼之州辟不就諧之仕宋為郟陵王左軍諮議齊武帝為江州以諧之為別駕委以事任建元二年為給事中驍騎將軍本州中正轉黃門郎領羽林監永明元年轉守衛尉申正如故明年加給事中三年遷散騎常侍太子右率五年遷左衛將軍加給事申正如故諧之風采瓌潤善自居處兼以舊恩見遇朝士多與交游六年遷都官尚書上欲遷諧之嘗從容謂曰江州有幾侍中邪答曰近世惟程道惠一人而已上曰當令有二後以語尚書令王儉儉意更異乃以為太子中庶子領左衛率諧之有識具每朝廷官缺及應

氏姓譜

卷七

七虞 胡氏

四

遷代密量上所用人皆如其言虞際以此稱服之十年轉度支尚書領衛尉明年卒時年五十一贈右將軍豫州刺史諡曰肅

諡

胡楚賓秋浦人屬文敏甚必酒中然後下筆高宗命作文常以金銀栢耐酒飲之文成輒賜焉家居率沈飲無留賄費盡復入得賜而出類為常性重慎未嘗語禁中事人及其辭問之亦熟視不答尋兼崇賢直學士卒

胡合能圃田隱者自少家貧為負局釘鉸之業以所居列子同里每遇茶或菓必誠心祭之以求聰明一日夢有人剖腹納書一卷遂能吟咏晚年禪學尤邃元和間卒胡珣字潤博舒州刺史歲大熟麥一莖數穗問里歌頌之後卒韓愈作神道碑銘云坊舒之政于茲有斯蓋嘉之也

胡曾長沙人咸通中舉進士不第高駢鎮蜀辟爲掌書記時南蠻飛一木夾欲借錦江飲馬曾以檄報之謀遂折王衍宴飲無度作詩諷之衍怒罷宴有詠史詩一卷安定集十卷行于世

胡敬之諧之五代孫幼聰明高潔簡靜仕爲侍御史彈劾不避豪貴後爲琛州刺史卒官高宗下詔弔問賜絹歸塋胡皓開元中人張孝嵩出塞皓與張九齡韓休崔沔王翰賀知章撰送行詩號朝英集

胡安國字康侯崇安人宣義郎淵子少以文章名人太學以程頤友朱震文穎川靳裁之爲師裁之與論經史大義深器重之紹聖制策問欲復熙寧元豐安國對以漸復三代哲宗命再讀注聽稱善擢居第三除太學博士足不躡

氏姓譜

卷七

七虞

胡氏

五

權門蔡京惡之俄提舉湖南學事詔舉遺逸安國以永州布衣王繪鄧璋薦二人乃范穉仁客也零陵簿李良輔希京意誣爲鄒浩請託京命湖南提刑推治除安國名未幾良輔以罪抵法臺臣直前事復官政和元年改成都學事連丁家艱服闋語子弟曰吾昔爲親而仕今雖有祿將安所用遂稱疾築室墓傍耕種取給將終身焉宣和靖康間李彌大吳敏譚世勣合薦皆辭朝旨屢趣至京欽宗留詞掖以待一日方午亟召見安國首奏明君以務學爲急聖學以正心爲要語未竟日昃暑甚汗浹上衣遂退耿南仲斥以誹謗聖德且曰安國往時不事上皇今又不事陛下有不臣之意上曰渠自以病辭初非有向背也每臣僚登對卽問識胡安國否中丞許翰曰自京得政士大夫無不受其籠絡惟此人超然遠跡不爲所汙上嘆息遣舍人晁

說之宣旨除中書舍人賜三品服南仲既傾吳敏李綱又
構說之與許景衡懷姦狗私並黜之安國請舉實跡載諸
詞命不報朝廷已正蔡京罪復搜黨與知應天葉夢得坐
落職安國言人才易失難得乃除夢得改小郡何臬議分
天下爲四道安國又言內外之勢適平則安偏重則危今
州郡太輕理宜通變若一旦區分遽合事得專決財得專
用官得辟置兵得誅賞恐事權太重設有抗衡跋扈何以
待之乞据見今二十三路帥府選擇重臣付以都總管之
權專治軍旅或有警急各率守將應援則一舉兩得矣尋
以趙野總北道又言魏都地重野必誤事是冬金果大入
野被殺西道王襄擁衆不顧悉如其言舍人劉珏草罷李
綱制謂綱勇于報國侍郎馮澥言珏爲綱游說珏坐貶安
國論澥越職封還詞頭以爲侍從雖當獻納至于彈擊必

氏姓譜

卷七

七虞

胡氏

六

歸風憲此路若開恐在朝各以好惡脅持傾陷非所以靜
朝著居省僅一月南仲與臬擠之詔與郡除右文殿修撰
知通州去甫逾旬金兵圍都城亟召不得達或憂其子寅
尚在城中安國愀然曰主人至此人臣恨效忠無路敢念
子乎高宗卽位以給事中召安國言前以繳奏徧觸權貴
今中興始建其間政事弛張人才升黜若一一繳駁必更
得禍乃托疾以辭黃潛善諷給事康執權論罷之張浚薦
可大用紹興元年仍以中書舍人兼侍講入對獻時政論
十二篇言皆切直頃之上聞其深于春秋付以左傳令點
句正音因奏春秋經世大典見諸行事非空言比今方思
濟艱難左氏繁碎不宜虛費光陰耽玩文采莫若潛心專
講春秋上從之會除朱勝非同都督江淮荆浙諸軍事安
國奏勝非昔與汪黃同在政府緘默附會致國勢不振用

張邦昌結好金國滅棄綱常天下憤鬱今強敵憑陵用人
得失係國安危若用以都督江淮恐誤大計遂改除侍讀
安國復持錄黃不下呂頤浩稱勝非處苗劉之變能調護
聖躬特命黃龜年書行安國自劾求罷因言昔公羊氏論
祭仲廢君爲行權先儒力排其說謂權宜廢置非所宜施
于君父春秋大法尤謹于此邇來忘君失節者非特釋而
不問復加選擢習俗既成大非君父之利臣以春秋進講
而與勝非同列有違經訓遂臥家不出頤浩言其偃蹇朝
命落職提舉仙都觀臺諫江躋吳表臣懇留不報及勝非
相安國浩然而歸五年除徽猷閣待制知永州辭不赴詔
從其請令纂修所著春秋傳諫官陳公輔疏詆假託程頤
之學者安國奏曰孔孟之道不傳久矣自頤兄弟始發明
之今令學者咸思孔孟而禁不得從頤學是欲入室而不

氏姓譜

卷七

七虞

胡氏

七

由戶也本朝自嘉祐以來西都有邵雍二程關中有張載
皆以道德名世公卿大夫欽慕而師尊之會王安石蔡京
曲加排擄故其道不行望下禮官討論故事加之封爵載
在祀典仍詔館閣哀其遺書校正頒行使邪說者不得作
奏入公輔與中丞周秘御史石公揆論安國學術頗僻奉
祠提舉太平觀七年五月復召未至而罷八年春秋傳成
來上稱爲深得聖人之旨進寶文閣直學士卒年六十五
贈左朝議大夫出常格加贈賜田十頃謚曰文定安國登
第四十年歷官不及六載朱震被召問出處之宜語曰子
發學易半生此事當素定世間惟講學論政不可不切切
詢究至于行已大致出處去就如人飢飽寒溫必自斟酌
不可決諸人亦非人所能決也吾平生動止皆內斷于心
至于浮世利名如蠅蠖過前何足道哉故自渡江以來稱

儒者進退合義必以安國尹焞爲首侯仲良嘗嘆曰志在天下視不義富貴如浮雲者二程之外一人而已始頗重秦檜及擅國柄遂與之絕所與交惟游酢謝良佐楊時良佐嘗語人康侯如大冬嚴雪百草萎死而松栢挺然獨秀胡寅字明仲安國猶子也將生安國妻夢大魚躍水中急往取而子之宣和中游辟雍遂登甲科張邦昌欲妻之不肯靖康初何臬薦除校書郎受學楊時遷司門員外郎邦昌立寅不書議狀逃太學中棄官歸建炎三年張浚薦爲駕部郎官上書高宗呂頤浩惡其切直除直龍圖閣主管江州太平觀尋知永州紹興四年名爲起居郎遷中書舍人賜三品服疏言自丁未以至甲寅所爲卑辭厚禮遣使不知凡幾矣然能知二聖之所在聞二聖之聲音得女真之要領者果何人與但見歸未息肩而黃河長淮大江相

氏姓譜

卷七

七虞

胡氏

六

繼失陷女真知中國所重在二聖所懼在切質所畏在用兵故爲此以餌中國不意坐受其餌既久而不悟也詞旨剴切上召至都堂諭旨仍降詔獎諭旣而張浚自江上還寅復奏今日大計只合明復仇之義用賢修德息兵訓民以圖北向儻或未可則堅守待時若夫二三其德無一定之論必不能有所立其說與浚異遂乞郡就養先是寅上言近年書命多出詞臣好惡之私或飾情相悅含怒相訾使人主命德討罪之意不伸自今乞以爲戒故寅所撥詞多諱誠之旨辨宣仁聖烈之誣及行遣章惇蔡卞詞皆寅撰進由是忌嫉者衆竟除徽猷閣待制知郟州改集英殿修撰知嚴興永州名爲禮部侍郎徽宗寧德訃至故事以日易月寅疏禮仇不復則服不除願詔終喪衣墨臨戎以化天下兼侍講直學士院父憂免喪除直學士以避秦檜

乞致仕檜憤之坐與李光書譏訕朝政落職正言章復追論其不持本生母服及諫通隣好責授果州團練副使新州安置檜死復官卒年五十九寅志節豪邁其文根著義理有斐然集讀史管見及論語詳說

胡宏字仁仲寅之弟也幼事楊時侯仲良既長克傳父業紹興間上書言治天下有本在于仁仁在于心心官茫茫莫知其鄉其體有所不察則不知有所顧慮有所畏懼雖有能知能察之良心亦浸消亡矣此臣之所大憂也良心充于一身通于天地爲宰制萬事統攝億兆之本祭天理莫如屏欲存良心莫如立志試當政事不干便佞不陳佳黜不御之時沉思靜慮方今事就爲大患孰爲急有必歉然而餒惻然而痛坐起彷徨不能自安者則良心可察而臣言可信矣又言在廷之臣不能對揚天心充陛下仁孝

氏姓譜

卷七

七真 胡氏

九

之志或潛萌僭逆協贊亂謀而陛下顧慮畏懼忘萬世不磨之辱置臣于必報之仇使九廟神靈終天屈辱父兄魂魄終天暴露不幾倒行而逆施乎疏入不報宏初以蔭補右承務郎秦檜貽書其兄意欲用之宏作書答檜辭甚厲人問之對曰正恐其再召故勇絕之耳檜死復召竟以疾辭卒于家著書曰知言張栻稱其言約義精道學之樞要致治之著龜有詩文五卷皇王大紀八十卷

胡宏休字良弼開封人爲太學生後補承信郎岳飛被誣死宏休發憤杜門伴疾十年卒有勤王忠義集藏于家

胡宿字武平常州晉陵人登第爲揚子尉大水民被溺令不能揀宿以公私船活數千人薦爲館閣校勘進集賢校理通判宜州民婦與所私者殺其夫誣執平民將抵死宿廉得其情出之擢知湖州前守滕宗諒因興學費財僚吏

巖爲欺不肯書歷宿諂曰君輩佐滕侯久苟有過盍不早
正乃俟其去而非之豈昔人分謗意乎皆大慙謝後湖學
爲東南最宿有力焉又築石塘百里捍水號曰胡公塘郡
人立祠祀之遷兩浙轉運使召修起居注知制誥封還都
知楊懷敏復職詞頭言衛士之變懷敏得不窮治已幸豈
宜復在左右命遂寢宿兼通陰陽五行災異之學慶歷六
年京東兩河地震登萊尤其疏言明年丁亥歲之刑德皆
在北宮陰生于午而極于亥陰強而未卽伏陽微而不能
勝此所以震也是謂龍戰之會其位在乾若西北二邊不
動恐有內盜起于河朔登萊視京師爲東北少陽之位今
二州置金坑多聚民鑿山谷陽氣耗洩故陰乘而動宜卽
禁止以寧地道明年王則果反貝州皇祐五年正月會靈
宮災明年大旱宿又言五行火禮也去歲火而今歲旱其

氏姓譜

卷七

七虞

胡氏

三

應在禮此由冬至郊邱二帝竝配之失也朝廷從其言遂
迭配如初時議七十致仕令有司按籍舉行宿謂非優老
之義自今武臣察其任事與否勿斷以年文臣使得自陳
以全其節又論皇祐新樂與舊樂難竝用禮部間歲一貢
士不便當用三年之制皆如其言帝遣中使護唐介貶嶺
南宿謂事不可測萬一不幸陛下受殺直臣名帝悟遣還
丙使遷宿翰林學士知審官院兼知審刑李仲昌開六塔
河害民詔獄薄其罪宿請斬之以謝河北仲昌由是南窟
兗國公主下降將行冊禮宿言昔封兩長主未嘗冊命今
施之愛女殆非漢明帝所謂我子豈得與先帝子等之義
也涇卒以折支不時給出惡言旣寘卒于法乃命劾三司
吏三司使包拯護弗遣宿曰涇卒固悖謾司吏安得無罪
拯不知自省公拒制命紀綱益廢矣拯懼立遣吏韓琦請

復并州節鎮宿言參爲晋地與商爲仇星國家受命商邱
若崇晋非國之利太宗削平四方并最後服故不使列于
方鎮已八十年宜如故便後琦秉政始復之嘉祐六年拜
樞密副使英宗立羣臣往往以燕薊外屬爲言宿奏天時
人事未至不可妄意難成之福願守兩朝法度以惠養元
元天下幸甚頃自曾公亮任雄州趙滋專治界河北人捕
魚伐葦一切禁絕由此常與鬪爭臣愚以爲此不過侵誣
尺寸城砦之吏稜文足以辯詰何至興甲兵哉治平三年
以老乞謝罷爲觀文殿學士知杭州明年以太子少師致
仕卒年七十二贈太子太傅諡文恭宿清慎忠實內剛外
和羣居不譁笑與人言必思而後對故臨事慎重不輒發
發亦不可回居母喪三年不至私室篤行自勵至于貴達
常如布衣時尤能顧惜大體嘗擇詳議官有才可用而征

氏姓譜

卷七

七虞

胡氏

三

權負課者同列謂小累不足白宿竟以白上曰彼之得失
不過一官宿平生以誠事主今白首矣忍以毫髮欺乎少
與一僧善僧有秘術能化瓦石爲黃金且死將以授宿宿
辭曰後事當盡力他非所敢冀僧歎曰子之志未可量也
胡宗炎字彥聖宿之子也初蔭將作監簿登第歷國子宗
正二丞開封推官考功吏部郎中故時選人改京官廷舉
者議輒尼不行宗炎請先行引見俟舉者有罪卽追止從
之哲宗崩爲鴻臚少卿迺吊祭使于境上遽使不易服宗
炎以禮折之須其聽命乃相見暨還升爲卿俄以直龍圖
閣知潁昌府歷密州卒生平善爲詩藻思清婉歐陽修守
亳與客游郡圃或誦其詩賞味不已謂有鮑謝風致
胡宗愈字元夫宿之從子也登甲科爲光祿丞宿肉舉名
試學士院授集賢校理兼史館檢討同知諫院上言嚴禁

旅所以杜姦宄今修內卒盜皇城器物而入內都知不能
覺察願正其罪殿帥直廬在長慶門內得自置隸圍萬一
凶黠者竄名其間將不可悔請易以老卒從之王安石用
李定爲御史宗愈論之甚力蘇頌李大臨不草制坐絀宗
愈又爭之安石怒出通判真州歷提點河東刑獄開封府
推官吏部右司郎中元祐初進起居郎中書舍人給事中
御史中丞言法貴均一若持兩端則于文有害今更定役
法一條募衙校不足聽差入等戶是乃差法非募法也請
刪之哲宗嘗問朋黨之弊宗愈言陛下能擇中立之士而
用之則黨禍可熄明日具君子無黨論以進拜尙書右丞
諫議王觀論其不當劉安世等又合攻之罷爲資政殿學
士知陳州徙成都人安其政名拜禮吏二部尙書卒年六
十六贈左銀青光祿大夫後入黨籍宗愈以宿子弟名試

氏姓譜

卷七

七虞

胡氏

三

起官

胡交修字已淋宿從孫登崇寧進士授泰州推官再試詞
學兼茂科翟汝文得其文自謂非所及置之首選除編類
國朝會要所檢閱文字累太常博士都官祠部二員外左
司郎中起居舍人進起居郎昭慈太后垂簾聽政以右文
殿修撰知湖州建炎初召爲中書舍人進給事中直學士
院兼侍講入對論天下大勢時謂名言李成盜江淮廷議
親征交修言此將帥之責何足以辱大駕議遂格帝問大
早所致之由對言守常州周祀坐殘虐免罰乃以屬吏祀
上書告交修罪罷爲徽猷閣待制提舉太平觀六年復起
給事中拜刑部侍郎翰林學士知制誥兼侍讀久之遷刑
部尙書論汀州寧化縣令冒殺無辜追逮凡六百人若俱
待其至瘦死無算請以罪狀明白者論如律詔如其言朝

議欲以四川交子行之諸路交修力陳其害謂崇寧大錢覆轍可鑒以今交子校之無銅炭之費無鼓鑄之勞一夫挾紙負贖莫辨歲月之後公私之錢盡歸藏鏹之家商賈不行市井蕭條比及悔悟恐無及矣又時議大舉交修言今僞妄無行之徒務爲迎合可喜之論吾無以考驗其實遽信之以舉事豈不誤國帝覽之矍然翼日出示大臣曰交修真可謂一士諤諤者帝又問席益旣去孰可守蜀者薦其從子世將因言養兵所以保蜀民不堪命則腹心先潰自聚兵關外以來餉道險遠漕舟多覆陸運又艱臣愚欲自三月以後九月以前第存守關正兵餘悉就糧他州如此則守關者水運可給分戍者陸運可免命付吳玠施行議徽宗配享奏請用韓忠彥從之俄以親老除寶文閣學士知信州提舉興國官九年召還拜兵部尚書奏言河

氏姓譜

卷七

七虞

胡氏

三

南新復乞如祖宗時設諸科之目以待西北之士別爲號于南宮以收五路之才詔令禮部討論復請補外改端明殿學士知合州數月卒交修簡重寡言進止有度事繼母以孝撫二弟極友愛遇恩以次補官爲文不事雕琢坦然明白凡三入詞苑當時稱爲文行兼副

胡世將字承公與兄唐老同登進士范汝爲寇聞以爲監察御史福建路撫諭使賊平遷右司員外郎歷起居郎中書舍人賜三品服兼修政局坐言者落職奉祠未幾除徽猷閣待制知鎮江府入爲禮刑二部侍郎紹興四年出知洪州兼江西安撫制置使許以便宜建昌軍卒修達等作亂殺守臣劉滂世將遣參謀侯慤統制邱贊討平之改兵部侍郎復知鎮江召爲給事中兼侍講直學士出爲四川安撫制置使兼知成都先是蜀邊久駐重軍餽運艱阻坐

困民力世將奏用轉船招運之法軍儲稍充公私便之吳玠卒世將以寶文閣學士宣撫川陝時闔右初復朝廷分軍移屯熙秦鄜延諸道明年金人陷同州入長安諸路皆震世將遣大將吳璘田晟出鳳翔郭浩出奉天楊政出赤谷歸河池不數日璘捷于石壁又捷于扶風金人遠巡不敢度隴詔除端明殿學士母喪特命起復遂復隴州破岐下諸屯取華虢兵威稍振以瘍發于首改資政殿學士致仕恩數視簽書樞密院事卒年五十八

胡唐老字俊明歷官殿中侍御史金人再犯京師唐老請對言康王爲河朔士民留不得進殆天意也請就并河北兵馬大元帥俾召天下兵入援又疏言趣兵入衛而不立帥必無功不聽果有范致虛之敗京城破金人根括金銀分命臺臣糾察唐老預焉怒民間多匿金杖唐老幾死唐

氏姓譜

卷七

七虞

胡氏

二四

老以疾故得不稱臣于僞楚高宗立猶坐奪二官建炎三年出知衢州苗傅敗亂兵犯城率衆拒却之以功擢秘閣修撰未幾進徽猷閣待制充兩浙宣撫司參謀官知鎮江府兼浙西安撫使杜充降金建康失守陝方等潰兵趣鎮江時城中兵不滿千獨倚韓世忠爲重世忠復去唐老度力不敵因撫之無何方欲犯臨安妄言赴行在請唐老部衆以行唐老不從論方等以逆順禍福不聽衆皆露刃環脅唐老怒罵不屈遂遇害詔贈徽猷閣直學士謚定愍胡氏自宿始大及宗愈世將皆在禁林仍世執政交修哀彙其文章爲世絲綸集其子孫至侍從九卿者十數遂爲晉陵名族

胡舜陟字汝明績溪人登大觀進士歷官監察御史奏御吏以言爲職自唐至本朝皆論時事擊官邪與殿中侍御

史同崇寧間大臣欲便已遂變祖宗成憲南臺御史始不言事今多事之時以言路爲急乞下本臺增入監察御史言事之文以復祖宗之制內艱服闋除舊職奏祖宗法上殿班先臺後諫今臺臣在諫官下有乖舊制自今臺諫必同上殿以雜壓爲先後時金兵已歸上言河北邊境備禦之策不可不講今兵可練粟可積獨將爲難得請詔內外之臣並舉文武官才堪將帥者其歸明官趙良嗣結成邊患傾危社稷請戮之以快天下詔皆從之遷侍御史欽宗爲皇太子講讀孝經論語間日讀爾雅而廢孟子舜跖以爲孔子之後深知聖人之道者孟子而已願詔東宮官遵舊制讀論語後卽讀孟子疏薦涪陵譙定常受易于郭雍究極象數逆知人事洞曉諸葛亮八陣法宜厚禮招之高宗卽位論李綱罪帝不聽言者論舜跖嘗事僞廷除集英

氏姓譜

卷七

七虞

胡氏

三

殿修撰知廬州修撰潘湜日治戰具淮西盜賊充斥人心震恐至是始安冀州雲騎卒孫琪聚兵爲盜號一海蝦至城下舜跖乘城拒守琪邀資糧不與有抄掠者出兵擊之琪宵遁爲伏兵所邀大獲其輜重而歸又招降濟南僧劉文舜會丁進李勝合兵盜斬壽間卽遣文舜破之張遇自濠州奄至梁縣使毀竹里橋伏兵河西伺其半渡擊敗之舜跖以州境密邇行在願身守江北以護帝壯其言擢徽猷閣待制淮西制置使范瑄貽書責贍軍錢帛論以順逆乃去自軍興後淮西八郡羣盜擾踐無完城獨廬安堵如故移知建康歷遷淮西安撫使潰兵王全犯廬州遣人招降之散財發粟令各安其業流民漸復改知靜江府中丞常同論罷之後復除廣西經畧使政有惠愛先是舜跖因討郴賊劾運判呂源沮軍事及是源訟其受知邕州俞僊

金非訕朝政秦檜素惡舜陽遣大理袁桷燕仰之往鞫辭不服遂死獄中邦人聞之皆哭妻江氏訴于朝詔德慶通判洪元英究實元英言受金盜馬事涉曖昧罪不至死其得人心雖古循吏無以過帝乃爲治勘官罪

胡沂字周伯餘姚人父宗伋號醇儒能守所學不逐時好沂自幼穎異六歲誦五經登紹興甲科陸沈州縣至二十八年始入爲祕書正字遷校書郎兼實錄院檢討吏部右司二員外郎以憂去孝宗除國子司業鄧王府直講尋擢殿中侍御史言守禦之利莫若令沿邊屯田詔行其言時定武舉十等之目令人舉薦沂奏言施之擇將之頃則可施之養士則未推原本意將欲資其韜畧籍其兵機及有所補用多授以權酤征商所養非所用所用非所養詔從其議武舉分差邊將下準備差遣俄論龍大淵曾覲不去

氏姓譜

卷七

七虞

胡氏

二六

恐有撓節以從之者眾嫉其言思共排之沂請去以直顯謨閣奉崇道觀祠乾道初名爲宗正少卿兼皇子慶王府贊讀尋兼侍講進中書舍人給事中入對論命令當謹之于造命之初上曰三代盛時如此卿職在繳駁事有當然勿謂拂君相遂不言之尋除吏部侍郎兼權尙書奏七司法自紹興十三年纂修成書歲且一紀淹月累時不無低昂望令敕令所官討論可行與不可行當草與不當草將見行之法與當草之條輯爲一善頒之中外庶可戢吏書之姦詔從之尋以目疾出知處州引疾奉祠除太子詹事進禮部尙書改侍讀論虞允文希旨懷復謂無覺可乘諸將未見可任數梗議乃以龍圖閣學士提舉太平興國宮卒年六十八諡獻肅沂資性恬退無所依附方疾草整容素冠不少情蓋其爲學所得者如此

胡晉臣字子遠蜀州人第紹興進士通判成都制置使范成大以公輔薦孝宗名赴行在入對疏士俗民力邊備軍政四弊試學士院歷遷著作佐郎兼右曹郎官輪對論三事一無忽講讀官以仁宗爲法二責諫官以糾官邪責宰相以擲奔競三廣聽納通下情以銷未形之患又極論近倖上覽奏色動晉臣口陳甚切又論兩稅折變上首肯久之有詔下中書問近倖姓名晉臣翼日至中書執政詰其故晉臣曰近習招權丞相豈不知之卽條具大者以聞上感悟自是近習嚴憚親老求外補知漢州除潼川路提點刑獄以憂去服除再召以五事見曰選將帥廣常平治渠堰更銓法通楮幣上謂輔臣曰胡晉臣言可行除度支郎累遷侍御史朱熹除兵部郎官以病足未供職侍郎林栗與熹論易不合因奏論熹晉臣上疏留熹而排栗物論歸

氏姓譜

卷七

七虞

胡氏

七

重光宗立遷工部侍郎除給事中每以裁濫恩惜名器爲重內降持不下上嘉其有守拜端明殿學士簽書樞密院事正謝日上命條上軍政利害旣而朝重華宮孝宗謂曰嗣君擢任二三大臣深懷朕意聞外廷亦無異詞晉臣拜謝除參知政事兼同知樞密院事上自南郊後久不御朝晉臣與丞相留正同心輔政中外帖然其所奏陳以溫清定省爲先次及親君子遠小人抑僥倖消朋黨破沃剽切未幾薨于位贈資政殿學士謚文靖

胡瑗字翼之海陵人專精經術教授吳中年四十餘未嘗求仕景祐初更定雅樂詔求知音者因范仲淹薦以白衣對崇政殿授校書郎與鎮東節度推官阮逸同較鐘律分造鐘磬各一簠以一黍之廣爲分以制尺律徑三分四釐六毫四絲圍十分三釐九毫三絲又以大黍累尺小黍實

蕭丁度等以爲非古制罷之仲淹經畧陝西辟爲丹州推
官移保寧改湖州教授瑗教人有法以身先之雖盛夏必
公服坐堂上嚴師弟子之禮視諸生如其子弟諸生亦信
愛如其父兄從游者嘗數百人是時方尙辭賦獨湖學以
經義及時務學中故有經義齋治事齋經義齋者擇疏通
有器局者居之治事齋者人各治一事又兼一事如邊防
水利之類科條纖悉備具故天下謂湖學多秀彥其出而
簾仕往往取高第及爲政多適于世用慶歷中召兼諸王
宮教授辭疾不行朝議下湖州取其教法著爲令後爲太
子中舍致仕皇祐中更鑄太常鐘律驛名瑗與近臣太常
官議于秘閣命兼太常主簿亦辭歲餘授國子直講既居
太學其徒益衆黌舍至不能容取旁官舍處之禮部所得
士瑗弟子十常四五隨材高下喜自修飭衣服容止往往

氏姓譜

卷七

七虞

胡氏

元

相類人遇之不問皆知所從游也嘉祐初擢太子中允天
章閣侍講仍治太學既而乞骸歸老諸生與朝士祖餞東
門外時以爲榮卒詔贈其家

胡憲字原仲安國從子幼即從安國學後游京師得伊洛
之傳朱熹父松屬熹令受學事之甚久賢士大夫高仰其
操折彥質范冲朱震劉子羽呂祖呂本中共疏憲行義上
特名之辭以母老及彥質入西府又言于上得賜進士出
身授左迪功郎添建州教授復不屈太守魏玘遣諸生
致詔書且札陳大義閱譬甚力不得已就職時郡人程元
以篤行稱龔何以廉節著皆迎致俾參學政其徒大化凡
七年不徙官以母年高求監南嶽廟久之起爲福建安撫
司屬官撫帥張宗元嚴禁私鹽雖錄兩亦重坐憲因告以
爲政大體宗元不悅力請祠當秦檜專權諸賢零落遂不

復出檜死名爲大理司直至秘書正字奏金人大治汴京
官室勢必敗盟元臣宿將非張浚劉錡莫能當之兩人方
爲毀積所傷未敢顯言其當用者憲獨言之供職僅半載
卽奉祠歸卒年七十七學者稱爲藉溪先生

胡穎字叔獻湘潭人家世業儒父瓌娶趙方弟雍女庄二
子長曰顯拳勇絕人以材武入官方在襄陽每出師命顯
與葵各領精銳分道赴戰摧堅陷陣聚散離合前無勁敵
以功至檢校太尉穎自幼風神秀異機警不常諸舅以其
類已每加賞鑒成童卽能背誦諸經中童子科復從顯學
弓馬母不許遂感勵苦學尤長于春秋紹定三年范訥李
全檄穎入幕嘗夜三鼓後令微服行諸營察衆志歸嚮全
敗遣部所獲酋二十人獻俘于朝以賞補官五年復登進
士授京秩歷官知平江府兼浙西提點刑獄帝父榮王府

氏姓譜

卷七

七虞

胡氏

元

十二人行劫穎悉斬之一日輪對理宗語曰聞卿好殺對
曰臣非嗜殺不敢屈太祖之法以負陛下帝爲默然久之
移湖南提舉常平作來諭堂奉母居之尋爲樞密都承旨
廣東經畧安撫使潮州僧寺有大蛇能驚動人前後仕者
皆信奉穎獨殺之毀其寺移節廣西兼計度轉運使知靜
江府請祠未幾遷京湖總領貳賦咸淳間卒贈四官穎博
學強記吐辭成文書判下筆千言援據經史切當事情舍
卒之際對偶皆精讀者驚歎性剛果臨政善斷不畏強禦
尤惡言神異所至毀淫祠以正直稱

胡仲堯淇州奉新人累世聚居至數百口構學舍于華林
山別墅聚書萬卷大設厨廩以延四方游學之士南唐李
煜嘗授寺丞雍熙二年詔旌其門仲堯赴闕謝恩賜白金
器值州境旱歉復發廩減直以賑又用私財造南洋橋大

宗嘉之除本州助教稍遷國子主簿致仕卒于家

胡仲容字咸和仲堯之弟也淳化五年來賀壽寧節名見
試校書郎賜袍笏犀帶并御書公卿多賦詩稱美咸平三
年復至闕改大理評事屢被賜賫建本縣孔子廟頗爲宏
敞後遷光祿丞致仕天禧中特賜緋魚卒年七十九以猶
子用訥爲後試校書郎弟克順端拱二年進士至都官員
外郎三司戶部判官從子用之用莊用舟並進士及第
胡則字子正永康人登進士補許田尉調憲州錄事參軍
時命李繼隆討靈夏轉運索湘命則部送芻糧計足支一
月則言爲百日備尙恐不支奈何僅一月邪湘懼無以給
遣則入奏太宗因問邊策對稱旨命中書記其姓名頃之
繼隆移文言兵且深入糧可繼否則謂彼師老將歸欲以
糧乏爲辭耳姑以有餘報之湘從之後其言果效改著作

氏姓譜

卷七

七虞

胡氏

三

佐郎貝州觀察判官再遷提舉江南路銀銅場鑄錢監得
吏所匿銅數萬斤籍爲羨餘不之罪改江淮制置發運使
遷戶部員外郎真宗幸亳還擢三司度支副使與丁謂厚
驟得進用謂罷出爲京西轉運使坐部內訛言相驚徙廣
西按宜州重辟十九人活者九人累遷太常少卿乾寧初
復坐謂黨降知信州徙福州以右諫議大夫知杭州入權
吏部流內銓坐失舉及責池州未行復改知永興軍徙河
北都轉運使以給事中權三司使通京東西陝西鹽法人
甚便之俄坐假御史王沿官舟販鹽其子又贖買酒場爲
張宗誨所發出知陳州劉隨言其奸貪復徙杭州再遷兵
部侍郎致仕卒則果敢負材喜交結尙風義謂賤賓客皆
散則間遣人至海上饋問如平日在福州有前守陳絳所
延客龍昌期爲人講易得錢絳獲罪併械昌期至卽破械

館以賓禮出俸錢爲償所費

胡斌殿前司軍士絳定三年江闕寇作從將官童德興提
禁旅戍郟武賊知有備未敢犯會招捕司檄德興稟議猶
留斌將弱卒數百留城中賊大至他將士皆遁斌獨奮身
迎戰所格殺甚衆賊益生兵而來官軍所存僅數十人郡
民死者萬計其生者尙數千由東門而出或告以衆寡不
敵盍避之斌欲綴其勢使民得遠走與賊巷戰大呼曰我
救百姓俄兵盡矢窮遂遇害其尸僵立移時始仆事聞贈
武節大夫錄後一人密院編修王堃請卽戰地立廟就以
武節爲額詔從之

胡旦字周父濱州渤海人少有才華博學能文擢進士第
一爲將作監丞通判昇州黥李氏時所度僧爲兵遷左拾
遺直史館數言時政出爲淮南東路運副知海州踰年名

氏姓譜

卷七

七虞

胡氏

三一

歸獻河平頌曰天祚我宋以君兆民配天成休惟堯與舜
粵有大水昏墊下人我防大患惟河之屯逆遜遠投茲普
屏外聖道如隄崇崇海內帝曰守文是塞是親調爾衛兵
程是烝民民以勤力臣以勤職役云告終河以之塞唐堯
懷山實警神德漢武宣防實彰令式我塞長河融流惠澤
明明聖功萬代咸則太宗覽之至逆遜姦普語怒其狂躁
貶殿中丞商州團練副使又上平燕議起爲左補闕預修
國史歷戶部司封員外郎知制誥有備書人翟頴者旦與
之善因爲改姓名曰馬周令上書詆許時政且自薦可爲
大臣馬周坐流海島旦亦貶坊州團練副使徙絳州復工
部員外郎直集賢院遷本曹郎中史館修撰素善中官王
繼恩爲草制辭過美繼恩敗旦貶安遠軍行軍司馬削籍
流潯州咸平初累移通徐二州團練副使進祠部郎中母

喪服除追行父服已而失明以秘書監致仕卒生平喜讀
書不少轍著漢春秋五代史畧將帥要畧演聖通論唐乘
家傳三百餘卷既死子孫貧甚寓樞民間皇祐末知襄州
王田爲言得賻錢以塋

胡銓字邦衡廬陵人建炎二年擢第策問治道本天天道
本民答云湯武聽民而興桀紂聽天而亡今陛下起于戈
鋒鏑間外亂內訌尤當克勤民事以祈天永命上嘉之授
撫州軍事判官金兵追躡隆祐太后于贛銓募鄉丁助捍
第賞轉承直郎父憂歸從鄉先生蕭楚學春秋絕興五年
呂祖薦舉賢良方正除密院編修八年秦檜決策主和金
使以諂諭江南爲名銓抗疏反覆千餘言最爲痛切疏入
檜怒其在忤除各編管昭州給舍臺諫論救者衆檜迫于
公議改監廣州鹽倉明年改簽書威武軍判官檜黨羅汝
氏姓譜

卷七

七虞 胡氏

三

楫劾銓飾非橫議復編管新州州守張棣駭其與客唱酬
誣爲怨望移吉陽軍檜死量移衡州先是銓書始上宜興
進士吳師古鋹本傳之金人募其書千金及再謫朝士陳
剛中以啟事爲賀同郡王廷珪以詩贈行皆爲人所訐師
古流袁州廷珪流辰州剛申謫知安遠遂死焉孝宗卽位
復銓奉議郎知饒州尋除宗正少卿兼國子祭酒權兵部
侍郎災異求言銓奏近者宿州之變士死于敵者滿野而
敗軍之將以所得金賂權貴以自解以是而欲弭災變臣
知其必不可也又勸上絕口勿言和字且獨上議語極割
切至引晉帝青衣行酒事帝亦爲之改容未幾命措置浙
西淮海海道時符離師敗朝議棄唐鄧四州金又欲得商
秦地邀歲幣留使者魏杞分兵攻淮劉寶棄楚州王彥棄
昭關濠滁皆陷惟高郵守陳敏拒敵射陽湖大將李寶擁

兵不救銓疏劾之曰臣受詔命范榮備淮李寶備江緩急相援今寶視敏弗救若射陽失守大事去矣寶懼始出師犄角值大雪河冰合銓先持鐵錐冰土皆用命金人遂退久之奉興國宮祠乾道初以集英殿修撰知漳泉二州趣奏事留爲工部侍郎乞閑除寶文閣待制留經筵求去以敷文閣直學士與外祠特賜通天犀帶歸上所著易春秋周禮禮記解詔藏秘府歷龍圖閣端明資政二殿學士致仕淳熙七年卒謚忠簡有澹庵集一百卷孫槐架皆至尙書

胡价字仲藩同安鄉人乾道丙戌進士知湘陰縣大姓以武斷相高吏不敢問价方按問援者旁午不聽悉置之法諸豪讐服焉調湖北憲參提舉陳謙平蠻戎務价告謙郡縣兵弱請名旁路諸軍遣將分討遂禽首亂及拒捕者數

氏姓譜

卷七

七虞

胡氏

三

十百人餘盡降价之謀居多擢守大安軍未赴卒所著有尙書要義當世急務湖北利害漢唐治安龜鑑及集朱名臣奏議等書

胡直孺字少汲同安鄉人紹聖丁丑進士初爲洛州司戶與錄曹官同治獄嘗有盜夜殺人笮井莫能獲乃執隣人疑似者卽誣服直孺却其獄竟雪之名爲九域編修官時議重貶元祐黨人直孺爲之營解遷監察御史出知平江府擢江湖淮浙發運使入爲戶部侍郎金人南侵奏用种師道策議合遷工部尙書龍圖閣學士知南京兼京東道總管金人再犯京師直孺率兵入援會戰雍邱兵潰見執久之得歸欽宗慰之曰孤城圍閉天下兵至者獨卿與張叔夜耳張邦昌僭號直孺歎曰吾豈事僞主邪高宗立赴行在除知洪州進刑部尙書兼侍講論奏十事以畏天愛

民爲首上稱善御書文物多師古朝廷半老儒于扇以賜
改兵部兼權吏部卒贈端明殿學士有生還錄西山老人
集二十四卷

胡順之景德乙丑進士知浮梁縣豪民臧氏素橫順之率
吏至其家掩捕按治其罪郡遣教練使詣縣入謁甚倨乃
數其罪械而杖之郡吏斂跡歷青州從事大姓麻士瑤陰
結貴侍匿兵械親黨僕從甚張陵茂州縣會殺兄子事覺
莫敢捕順之盡得其黨有諂鞠問士瑤論死仁宗初遷太
常博士再上宰相書乞太后還政遷尙書屯田員外郎數
論朝廷事爲范文正仲淹所知

胡復三字景初湘鄉人理宗時領鄉薦德祐乙亥挈家避
元兵于上行山爲游騎所執降之不可遂遇害

胡嘉淳祐中以奉議郎知湘陰纂圖志經理黃陵汨羅諸

氏姓譜

卷七

七虞

胡氏

三

廟置莊田以養學校

胡塤字寅仲平江人嘗從戎有功補修職郎後佐蜀聲撼
西鄙時帥頗有二心塤曉以大義帥憚不敢發塤卒帥遂
反蜀人哭塤有詩曰公如在爐上謀必寢淮南

胡繼孝宗時知華容縣爲政廉平有詩曰我爲平易政不
苛無復遣人奪農作看汝鼓腹樂太平老瓦盆中盛酒酪
胡巖起永康人父臬欽州司法參軍巖起嘉定進士知閩
縣卓行危論奇文瑰句士大夫皆自以爲不可及其在江
西幕平贛州之難于指顧間全活數十萬人子居仁淳祐
進士知台州文辭政事亦絕出于四方

胡嘉言壽昌人高宗朝爲吏部侍郎與秦檜連婚嘗上書
論和議乞斬檜以謝天下聞者縮頸其家居開義學置贖
士田

胡仲雲高安人幼通經史百家入太學率諸生伏闕上書論京尹余晦不法竇祐初登進士第歷官樞密院編修執法剛正出爲浙東提刑所著有六經蠡測周易見一四書管窺歷代遺論宋朝政論總百餘卷

胡希是仲雲仲子八歲悉誦諸經爲文有西漢風元革命家居著述爲人方嚴有守一介不苟取予所著有洪範考訂大學稽疑太極圖說史傳集論及于山集

胡勉長陽人建炎初寇鍾相之徒犯其邑勉集豪勇斬二渠魁嘗攝縣事劉超將侵建平勉捍防蜀道賊不得進凡破賊所獲金帛悉分其下毫釐無取

胡璞劍浦人工于詩嘗經采石渡題詩弔李白云抗議金鑿反見仇一杯蟬蛻此江頭當時醉弄波間月今作寒光萬里流蘇軾見之疑唐人所作歎賞不置

氏姓譜

卷七

七虞 胡氏

三五

胡應發晉陵人舉進士元兵次常州知府姚訔署爲節度判官包圭亦晉陵人素有智謀辟知武進縣事城陷應發與圭率民兵巷戰衆潰俱被禽不屈死之

胡安之字叔器萍鄉人受業朱晦庵經史疑義多所著述郡守程許葺南軒書院聘安之主席學者稱自齋先生

胡光謙河中府貢士年八十三德行才能尙可任用勅名赴闕命學士院試雜文稱旨特賜進士及第授將仕郎爲太常寺奉禮

胡鑾字元化磁州武安人少嗜學大軍下河北爲軍士所掠至燕亡匿香山寺與傭保雜處韓昉一見獨異之使賦詩以見志操筆立成思致清婉昉喜因館置門下使與其子同處加之教育學業日進昉器其才語人曰他日必將

名世天會十年登進士第一稱其程文爲元化格授右拾遺權翰林修撰出爲定州觀察判官督教士子孳孳不倦自此爲河朔學校之冠聚居者常以百數凡經指授悉爲塲屋上游皇統初轉河北西路轉運都勾判官改深州軍事同知加朝奉大夫郡守暴戾蔑視僚屬礪折之以禮守愧服郡事一以委之所屬五縣例雇弓手皆市井無賴名爲迹盜所至擾民悉罷去之省民錢五千餘萬繼而有飛語審其爲誑竟亦無事遷爲禮部郎中在廷典禮多所裁定海陵初拜平章百官朝服賀于廟堂礪獨不跪海陵問其故答曰凡見君父朝服而跪相公乃臣也自此反深重之天德初再遷侍講學士同修國史母憂起復爲宋國歲元副使遷翰林學士改刑部尙書扈從至汴得疾數遣使臨問卒年五十五礪性剛直無所屈撓然能自處以禮嘗

氏姓譜 卷七

七虞 胡氏

三

遇平章政事高正之汴道過真定燕漕司礪欲就賓席正曰汝他日爲省吏當何如答曰當官而行亦何所避正改容謝之

胡齊已名得生潭州益陽人詩名在湖湘間嘗謁鄭谷戲詩云自封修藥院別下着僧牀谷請改下爲掃字方與相見嘉賞之結爲詩友後居西山與仰山宗師同門有白蓮集并外編各十卷

胡長孺字汲仲婺州永康人其先自天台來徙祖巖起宋嘉定進士知閩縣事父居仁淳祐進士知台州軍州事文辭政事皆絕出一時至長孺而其學益振歲淳中外舅徐道隆爲四川宣撫參議官長孺從之入蜀銓試第一與高彭李湜梅應春等號南中八士歷任福寧州倅宋亡退棲

永康山至元二十五年世祖下詔求賢有司強起至京待
諸集賢院既而各見內殿改揚州路儒學教授尋移建昌
武宗至大元年轉台州州寧海縣簿掾東大祿宣慰同知脫
歡察議行勸貸法斂富民錢百五十餘萬以二十五萬屬
長孺藏之長孺察其有乾沒意悉散之民既而果索錢長
孺抱贖進曰錢在是脫歡察雖怒不敢問縣有銅巖羣盜
狙伺其間恒出抄爲過客患長孺僞衣商人服一蒼頭負
橐從陰戒騶卒躡其後比至巖中盜果突出皆成禽盡捕
其黨寘之法羣嫗聚浮屠菴誦佛書一嫗失衣適長孺出
嫗訟之命以交置羣嫗掌中繞佛誦書如初長孺閉目叩
齒曰吾使神監之矣盜衣者行數周麥當芽一嫗屢開掌
竊視長孺指縛之還所失衣永嘉民有弟質珠步搖于兄
者兄妻愛之紿言亡于盜屢訟不獲直往告長孺叱之去

氏姓譜

卷七

七虞

胡氏

三

未幾長孺治它盜令盜誣兄受步搖爲賊逮至辯甚力詰
曰爾家故有是何謂誣兄叩頭曰誠有之乃弟所質者趣
持至呼其弟示曰非爾家物乎遂還之仁宗延祐初轉兩
浙長山塲鹽司丞未上以病辭隱杭之虎林山以終長孺
初師青田余學古學古師邑人王夢松夢松受學龍泉葉
味道味道則朱熹弟子也淵源既正長孺行游四方旁求
旨趣益信涵養主敬爲最切每曰一民失所便非君子學
道之實故所至摘發如神爲人光明宏偉務明心學慨然
以孟子自許惟恐斯道之失其傳汲汲勸誘如不及一時
學者宗之嘗言人雖最靈與物同產初無二本此學之大
原舍是而學則學非其學聽者皆躍然興起至有太息者
爲辭章精勁有氣非其人雖一金易一字毅然不與晚寓
武林病喘一旦具酒食名比隣別云將返故鄉門人有識

其意者問曰先生精神不衰何爲遽欲觀化曰精神與死
生初無相涉也俄正衣冠坐逝年七十五所著有瓦缶編
建昌集寧海漫鈔顏樂齋稿門人諡曰純節先生

胡一桂字庭芳徽州婺源人父方平號玉齋先生素精易
初饒州德興沈貴瑤受易于董夢程董受朱熹之易于黃
榦方平常從沈董學著易學啟蒙通釋一桂之傳出其父
得朱氏源委之正宋景定甲子年十八領鄉薦試禮部不
第退而講學遠近師之仁宗皇慶中著周易本義附錄纂
疏十五卷及啟蒙翼傳三篇凡作十七史纂更有朱子詩
傳附錄纂疏並行于世學者稱雙湖先生

胡祇適字紹開磁州武安人少孤既長讀書見知于名流
世祖中統初張文謙宣撫大名辟爲員外郎已入爲中書
詳定官至元元年授應奉翰林文字調右司員外郎時阿

氏姓譜

卷七

七虞

胡氏

三

合馬當國進用羣小官冗事煩祇適建言省官莫如省吏
省吏莫如省事以是忤權貴意出爲太原路治中兼提舉
本路鐵冶將以歲賦不辦責之及蒞職以最聞累擢荆湖
北道副使有佃民訴其田主謀不軌祇適察其寃坐告者
改濟寧路總管濟寧移治鉅野縣自屢經兵戈民居未集
風俗樸野祇適選郡子弟擇師教之親爲講論期變其俗
久之轉山東東西道按察使所至抑豪右扶寡弱以敦教
化厲士風民有父子兄弟相訟者必懇切諭以天倫之重
不獲已則繩之法未幾以疾歸朝廷徵著德者十人祇適
爲首不赴卒諡文靖

胡助字履信東陽人貌清古深究經史百氏大旨舉茂才
授建康路學錄至順間用薦改國史院編修官平生薄勢
利與人無怨惡嘗作大拙小拙傳以寓意著純白類稿三

十卷

胡三省字身之浙江天台人博學能文章尤篤于史學登宋寶祐四年進士德祐元年以賈似道辟從軍蕪湖言輒不用及師潰問道歸宋亡隱居不仕著資治通鑑音註及釋文辨誤百餘卷今行于世按三省史失其傳不知卒于何時據其自序云德祐丙子浙東始騷避地越之新昌遭亂失其書按是年宋亡又云亂定反室復購得他本爲之註以乙酉徹編蓋至元二十二年也

胡天游名乘龍以字行別號松竹主人岳之平江人本文獻世家子有俊才七歲短吟其作者風力名藉一世然負高氣孤立峻視不肯一起取斗祿扼腕當時俯仰太古嗚之歌什有沈湘蹈海之概其詩名微軒吟稿晚歲益自矜其徘徊亂世以緬想太平之心更作述志賦以寓長飲之

氏姓譜

卷七

七虞 胡氏

三

恨云

胡斗元字元浩靖安人領鄉薦第一署鰲溪書院山長賊至斗元以鄉兵擊敗之入縣治與潮海共圖戰守及被執賊脅使降弗屈乃以土埋其腰不死縛置暗室中斗元仆牆以出逃入深山狂病而卒

胡光遠太平人母喪廬墓一夕夢母欲食魚晨起號天將求魚以祭見生魚五尾列墓前俱有嚙痕衆驚異方聚觀有獾出草中浮水去知爲獾所獻

胡炳文字仲虎徽州婺源人父斗元從朱晦翁從孫小翁得書易之傳炳文尤潛心朱氏之學上溯伊洛以達洙泗淵源靡不推究仁宗延祐中以薦署信州道一書院山長再調蘭溪州學正嘗作周易本義通釋十二卷大學指掌圖五經會義爾雅韻語等書族子澁爲建明經書院以處

四方來學者儒風之盛莫斯若也所居有面山世號雲峰先生

胡伴侶鈞州密縣人父實常患心疾更數醫莫療伴侶乃齋沐焚香泣告天地于右脅旁割脂一片和藥以進父疾

遂瘳

胡存道字師善諸暨州人由進士為松江路儒學官苗兵入城縱火大掠守學舍不去寇怒殺之廟得免于災死之前一日題其壁曰卿命來分教臨危要致身但圖存聖像不愧作儒臣郡人祀之先賢堂

胡振祖鄱陽人賊至獨樹義旗糾鄉民自保江口平章三巨入授為浮梁州同知率兵轉戰遇欵寇汪童眾數萬乃營大游山拒之累戰不利馬蹶被禽死

胡景清龍溪人元兵下漳南景清甫五歲隨父母逃難舍

氏姓譜

卷七

七虞

胡氏

學

卒失母及長知學每念母輒涕下不食乃辭父尋母抵幽薊燕市遇其叔胡巨川知母已之燕而未識其處踰年始得之蓋母子不相見者四十年矣事聞詔旌之仍給驛歸胡閏祖至元初慶元路推官初積囚滿獄淹至十年閏祖至則朝夕審錄不憚寒暑洗冤澤物甚于飢渴自是訟無滯者郡人為立去思碑

胡海字海洋定遠人嘗入土豪赤塘王總管營自拔來歸授百戶從敗元將賈魯兵克泗滁進萬戶從渡江拔蠻子海牙水寨破陳瑊先兵從取集慶鎮江敗元將謝國璽于寧國選充先鋒從大軍圍湖州墮其東南門月城從攻宜興下婺州慶戰紹興生得賊四百餘人進都先鋒又從戰龍江克安慶與漢人相持入戰皆大捷遂入江州從徐達

攻廬州皆有功海驍勇屢戰屢傷手足胸腹間金痕皆遍而鬪益力士卒從之者無不激勵自効太祖壯之授花槍上千戶復從大軍克荆澧衡潭擢寶慶衛指揮僉事遷指揮使命鎮益陽從平章楊璟征湖南廣西未下郡縣由祁陽進圍永州與守兵戰于東鄉橋生得千萬戶四人以夜半先登拔之抵靖江戰南門生得萬戶二人夜四鼓自北門八角亭先登功最命爲左副總兵劓平左江上思蠻調征蜀克龍伏隘天門山及溫湯關予世襲指揮使仍鎮益陽武岡靖州五開諸苗蠻先後作亂悉捕誅首亂而撫其餘衆遷都督僉事十四年從征雲南由永寧趨烏撒進克可渡河與副將軍沐英會師攻大理敵悉衆扼上下關定遠侯王弼自洱水東趨上關英帥大軍趨下關而遣海以夜四鼓取石門間道渡河繞點蒼山後攀大樹緣崖而上

氏姓譜

卷七

七虞

胡氏

四

立旂幟英士卒望見皆踴躍大呼敵衆驚擾英遂斬關入海亦麾山上軍馳下前後夾攻悉潰走十七年論功封東川侯祿二千五百石予世券踰三年以左參將從征金山又二年以征南將軍討平澧州九溪諸蠻寇師還乞歸鄉里厚賚金帛以行二十四年七月病疽卒年六十三長子斌龍虎衛指揮使從征雲南過曲靖猝遇寇中飛矢卒贈都督同知次玉坐藍黨死次觀尙南康公主爲駙馬都尉未嗣卒宣德中公主乞以子忠嗣詔授孝陵衛指揮僉事予世襲

胡閨字松友鄱陽人太祖征陳友諒過長沙王吳芮祠見題壁詩奇之立名見帳前洪武四年郡舉秀才入見帝曰此書生故題詩鄱陽廟壁者邪授都督府都事遷經歷建文初選右補闕尋進大理寺少卿燕師起與齊黃輩晝夜

畫軍事京師陷詔聞不屈與子傳道俱死幼子傳慶成邊
四歲女郡奴入功臣家稍長識大義日以糞灰汚面洪熙
初赦還鄉貧甚誓不嫁見者蔬遺以錢穀曰此忠臣女也
胡廣字光大吉水人父子祺名壽昌以字行陳友諒陷吉
安太祖遣兵復之將殺督從者千餘人子祺走謁帥力言
不可得免洪武三年以文學選爲御史上書請都闕中帝
稱善遣太子巡視陝西後以太子薨不果子祺出爲廣西
按察僉事改知彭州所至平冤獄毀淫祀修廢堰民甚德
之遷延平知府卒于任廣其次子也建文二年廷試時方
討燕廣對策有親藩陸梁人心搖動語帝親擢廣第一賜
名靖授翰林修撰成祖卽位廣偕解縉迎附擢侍講改侍
讀復各廣遷右春坊右庶子永樂五年進翰林學士兼左
春坊大學士帝北征與陽榮金幼孜從數召對帳殿或至

氏姓譜

卷七

七虞

胡氏

四

夜分過山川扼塞立馬議論行或稍後輒遣騎四出求索
嘗失道脫衣乘驪馬渡河水沒馬及腰以上帝顧勞良苦
廣善書每勒石皆命書之十二年再北征皇長孫從命廣
與榮幼孜軍中講經史十四年進文淵閣大學士兼職如
故帝徵烏思藏僧作法會爲高帝高后薦福言見諸祥異
廣乃獻聖孝瑞應頌帝綴爲佛曲令宮中歌舞之禮部郎
中周訥請封禪廣言其不可遂不許廣上却封禪頌帝益
親愛之廣性縝密帝前所言及所治職務出未嘗告人時
人以方漢胡廣然頗能持大體奔母喪還朝帝問百姓安
否對曰安但郡縣窮治建文時姦黨株及支親爲民厲帝
納其言十六年五月卒年四十九贈禮部尙書謚文穆文
臣得謚自廣始喪還過南京太子爲致祭明年官其子種
翰林檢討仁宗立加贈廣少師

胡拱辰字共之淳安人正統四年進士爲縣知縣有惠政擢御史疏陳時弊入事父艱歸景帝卽位諱科道官憂居者悉起復拱辰至屢疏以選將保邦修德弭災爲言出爲貴州左參政白水堡旡狃頭目沈時保素梗化拱辰言于總兵官方瑛遣將禽之一方遂寧至畢節平宣慰使隴富亂威行邊徼毋憂去御史追劾其受賂事下浙江按臣執訊事曰調廣東歷廣西四川左右布政使皆有平寇功成化八年拜南京右副都御史提督操江十一年就遷兵部右侍郎儲位虛久與尙書崔恭等請開立言甚切其年復就改左副都御史總理糧儲就進工部尙書節財省事人皆便之以年至乞歸宏治中巡按御史陳銓言拱辰退休十餘年生平清操如一日乞加禮異以勵臣節詔有司月給廩二石歲隸四人正德元年年九十遣行人齎敕存

氏姓譜

卷七

七虞

胡氏

三

閻賈羊酒加賜廩隸三年正月卒贈太子少傅謚曰莊懿胡獻字時臣揚州興化人宏治九年進士改庶吉士授御史踰月卽誣論時政數事言屠瀟爲吏部尙書王越李蕙爲都御史皆交通中官李廣得之廣得售奸由陛下議政不任大臣而任廣輩也祖宗時恒御內閣商決章奏經筵日講悉陳時政得失又不時接見儒臣願陛下追復舊制京通二倉總督監督內臣每收米萬石勒白金十兩以歲運四百萬石計之人四千兩又各占斗級二三百人使納月錢夫監督倉儲自有戶部焉用中官願賜罷遣京操軍士自數千里至而總兵坐營等官各使分屬辦納月錢乞嚴草以蘇其困陛下遇災修省去春求言諫官及郎中王雲鳳主事胡燿皆有論奏留中不報雲鳳尋得罪如此則與不修省何異願斷自聖心凡利弊當興革者卽見施行

東廠校尉本以緝奸遁者但爲內戚中官泄憤報怨如御史武衡忤壽寧侯張鶴齡及太監楊鵬主事毛廣忤太監韋泰皆爲校尉所劾推求細事誣以罪名舉朝皆知其枉無敢言者臣亦知今日言之異日必爲所陷然臣弗懼也疏入鶴齡與泰各疏辨會給事中胡易劾監庫中官賀彬貪贖入罪彬亦許易帝遂下獻易詔獄謫獻藍山丞久之釋易獻未赴官遷宜陽知縣馬文升數薦于朝遷南都察院經歷武宗卽位擢廣西提學僉事遷福建提學副使未任卒

胡世寧字永清仁和人宏治六年進士性剛直不畏強禦且知兵除德安推官岐王初就藩從官驕世寧裁之他日復請湖田持不可遷南京刑部主事應詔陳邊備十策復上書極言時政闕失時孝宗已不豫猶領之再遷郎中與

氏姓譜

卷七

七虞

胡氏

四

李承勛魏校余祐善時稱南都四君子遷廣西太平知府太平知州李濬數殺掠吏民世寧密檄龍英知州趙元瑤禽之思明叛族黃文昌四世殺知府占三州二十七村副總兵康泰偕世寧入思明執其兄弟三人而泰畏文昌夜逃委世寧空城中危甚諸土酋德世寧發兵援乃得還文昌懼歸所侵地降土官承襲長吏率要賄不時奏以故諸酋怨叛世寧令生子卽聞府應世及者年十歲以上朔望謁府父兄有故按籍請官于朝土官大悅毋喪歸服闋赴京道滄州流寇攻城急世寧卽馳入城畫防守計賊攻七日夜不能拔引去再知寶慶府隕王及鎮守中官王濶皆嚴憚之遷江西副使與都御史俞諫畫策禽盜討平王浩八以暇城廣昌南豐新城當是時寧王宸濠驕橫有異志莫敢言世寧憤甚正德九年三月上疏報可宸濠聞大怒

列世寧罪徧賂權幸必殺世寧章下都察院右都御史李士實宸濠黨也與左都御史石珪等上言世寧狂率當治命未下宸濠奏復至指世寧爲妖言乃命錦衣官校逮捕世寧世寧已遷福建按察使取道還里宸濠遂誣世寧逃馳使令浙江巡撫潘鵬執送江西鵬盡繫世寧家人索之急李承勛爲按察使保護之世寧乃亡命抵京師自投錦衣獄獄中三上書言宸濠逆狀卒不省繫歲餘言官程啟充徐文華蕭鳴鳳邢寰等交章救楊一清復以微言動錢寧乃謫戍藩陽居四年宸濠果反世寧起戍中爲湖廣按察使尋擢右僉都御史巡撫四川道聞世宗卽位疏以司馬光仁明武三言進因薦魏校何瑋邵銳可講官林俊楊一清劉忠林廷玉可輔弼知府劉蒞徐鉉先爲諫官有直聲宜擢用時避其言松潘所部熟番將吏久不能制率輸

氏姓譜

卷七

七虞

胡氏

昱

貨以假道番殺官軍憚不敢詰官軍殺番輒抵罪世寧陳方畧請選將益兵立賞罰格嚴隱匿禁修烽堠時巡徼以振軍威通道路詔悉行之又劾罷副總兵張傑申官趙欽甫兩月各爲吏部右侍郎未上以父憂歸旣免喪家居朝廷方議大禮異議者多得罪世寧意是張璉等疏乞早定追崇大禮未上語聞京師旣有議遷顯陵耐天壽山者世寧極言不可乃竝前疏上之帝深嘉歎無何聞廷臣伏闕爭有杖死者馳疏言臣以仁明武三言進然尤以仁爲本仁生成之德明日月之臨皆不可一日無武則雷霆之威但可一震而已今廷臣忤旨陛下赫然示威辱以箠楚體羸弱者輒斃傳之天下書之史冊謂鞭撻行殿陛刑辱及士夫非所以光聖德新進一言偶合後難保必當舊德老成一事偶忤後未必皆非望陛下以三無私之心照臨于

上無先存適莫于中帝雖不能從亦不忤尋召爲兵部左侍郎條成邊時所見險塞利害二十五事以上又請善保聖躬毋輕餌藥物獻大學秦誓章洪範惟辟威福繫辭節初爻講義竝乞留中給事中余經遂劾世寧啟告密之漸世寧乞罷不許大禮成進秩一等復陳用人二十事工匠趙奎等五十四人以中官請悉授職世寧言賞過濫不納屢疏引疾改南京吏部就遷工部尚書已復召爲左都御史加太子少保辭官銜許之世寧故方嚴及掌憲務持大體條上憲綱十餘條末言近士習忌刻一遭讒毀則終身廢棄僉事彭祺發豪強罪受謗奪官諸如此者宜許大臣申理帝採其言惟祺報寢執政請禁私謁世寧曰臣官以察爲名人非接其貌聽其言無由悉其才行帝以爲然遂弗禁俄改刑部尚書每重獄別白爲帝言之帝輒感悟中

氏姓譜

卷七

七虞

胡氏

吳

官剛聰誣漕卒掠御服坐二千人世寧劾其妄已聰情得抵罪帝乃益信世寧王瓊修郤陳九疇將致之死以世寧救得戍兵部尚書王時中罷以世寧代加太子太保再辭不得命乃陳兵政十事曰定武畧崇憲職重將權增武備更賞罰馭土夷足邊備絕弊源正謬誤惜人才所言多破常格帝優旨答之士魯番貢使乞歸哈密城易降人牙木蘭王瓊上其事世寧言先朝不惜棄大寧交趾何有于哈密况初封忠順爲我外藩而自罕慎以來三爲土魯番所執遂御與戎比以疲我中國耗財老師戎得挾以邀索臣以爲此與國初所封元孽和順寧順安定三王等耳安定在哈密內近甘肅今存亡不可知我一切不問獨重哈密何也宜專守河西謝絕哈密牙木蘭本曲先衛人反正歸順非納降比彼安得索之唐悉怛謀事可鑑也張聰等皆

主瓊議格不用獨留牙木蘭不遣居兵部三月求去帝不許免朝參世寧又上備邊三事固稱疾篤乃聽乘傳歸給廩隸如制歸數月復起南京兵部尙書固辭不拜九年秋奉贈少保諡端敏世寧風格峻整居官廉疾惡若仇而薦達賢士如不及都御史馬昊陳九疇坐累廢副使施儒楊必進考察被黜御史李潤副使范輅爲時所抑連章薦之與人語呐不出口及其疏援据古今洞中窾會與李承勛善而持議不苟合承勛欲授隴勝官復芒部故地世寧言勝非隴氏子芒氏不當復立始以議禮與張聰桂萼合聰萼德之欲援以自助世寧不肯附會論事多抵牾萼欲銷兵世寧力折之昌化伯以他姓子冒封下廷議世寧言吾輩不得以厚賂故誣朝廷萼色變萼方爲吏部而世寧引疾言天變人窮盜賊滋起咎在吏戶兵三部不得人兵

氏姓譜

卷七

七虞

胡氏

吧

部尤重請避賢路又以哈密議語侵摠諸大臣皆忌之帝始終優禮不替子純繼純以父任知肇慶府有才行繼幼不慧不爲世寧知世寧在江西出討賊部將入見繼繼爲指陣法進退離合甚詳凡三日世寧歸闕大異之知其故嘆曰吾有子不自識向也自是擊賊輒令繼從與策方畧世寧十不失三繼十不失一也世寧方草疏論宸濠繼請曰是且重得禍世寧曰吾已許國遑恤其他及世寧下獄繼念其父病死

胡瓚字伯玉桐城人萬歷二十三年進士授都水主事分司南旺司兼督泉閘駐濟寧泗水所注瓚修金日壩遏之造舟汶上爲橋于寧陽民不病涉河決黃壩瓚憂之會劉東星來總河漕瓚與往復論難謂黃壩不杜勢且易黃而漕漕南北七百里以涓涓之泉安能運萬千有奇之艘使

及期飛渡贊東星濬賈魯河故道益治汝泗間泉數百尋源竟委著泉河史上之瓚治泉一夫濬一泉各有分地省其勤惰而賞罰之冬則養其餘力不征于官以疏濬運道有功增秩一等二十七年督修琉璃河橋三年橋成省費七萬有奇累官江西左參政予告歸久之卒

胡大海字通甫虹人長身鐵面智力過人太祖初起大海走謁滁陽命爲前鋒從渡江與諸將畧地以功授右翼統軍元帥宿衛帳下從破寧國副院判鄧愈戍之遂拔徽州畧定其境內元將楊完者十萬衆來攻大海戰城下大破走之遂與鄧愈李文忠自昱嶺闕攻建德敗元師于淳安遂克建德再敗楊完者降溪洞兵三萬人進樞密院判官克蘭溪從取婺州遷僉樞密院事下諸暨守將省遁萬戶沈勝旣降復叛大海擊敗之生禽四千餘人改諸暨爲諸

氏姓譜

卷七

七虞

胡氏

吳

全州移兵攻紹興再破張士誠兵太祖以寧越重地名大海使守之士誠將呂珍圍諸全大海救之珍堰水灌城大海奪堰反灌珍營珍勢蹙于馬上折矢誓請各解兵許之郎中王愷曰珍猾賊不可信不如因擊之大海曰言出而背之不信旣縱而擊之不武師還人皆服其威信尋攻處州走元將石抹宜孫遂定處州七邑陳友諒寇龍江命分軍擣信州以牽制敵大海用王愷言親引兵往遂克信州以爲廣信府信方絕糧或勸還師大海曰此閩楚襟喉地也可棄之乎築城浚隍以守之先是軍糧少所得郡縣將士皆徵糧于民名曰寨糧民甚病之大海以爲言始命罷去進江南行省參知政事鎮金華初嚴州旣下苗將蔣英劉震李福皆自桐廬來歸大海喜其驍勇留置麾下至是三人者謀作亂晨入分省署請大海觀弩于八詠樓大海

海出英遣其黨跪馬前詐訴英過大海未及答反顧英英
出袖中槌擊大海中腦仆地并其子闕住郎中王愷皆遇
害英等大掠城中奔于吳其後李文忠攻杭州杭人執英
以降太祖命誅英刺其血以祭大海大海善用兵每自誦
曰吾武人不知書惟知三事而已不殺人不掠婦女不焚
毀廬舍以是軍行遠近爭附及死聞者無不流涕又好士
所至輒訪求豪雋劉基宋濂葉琛章溢之見聘也大海實
薦之追封越國公諡武莊肖像功臣廟配享太廟初太祖
克婺州禁釀酒大海子首犯之太祖怒欲行法時大海方
征越都事王愷請勿誅以安大海心太祖曰寧可使大海
叛我不可使我法不行竟手刃之及闕住復被殺大海遂
無後養子德濟

胡德濟字世美不知何許人大海帥以歸太祖從攻婺州

氏族譜

卷七

七虞

胡氏

四

爲誘兵大破元兵于梅花門外禽其將季彌章由是知名
旣下信州太祖以德濟爲行樞密院同僉使守之陳友諒
將李明道來寇德濟與力戰大海來援夾擊之禽明道及
其宣慰王漢二及大海爲蔣英所害處州降將李祐之亦
殺院判耿再成以叛張士誠聞浙東亂遣其弟士信寇諸
全德濟自信州往救乘懈得入城與知州樂鳳院判謝再
興分門守夜半出敵不意砍士信營破走之擢浙江行省
參知政事移守新城士誠將李伯昇帥步騎大入寇德濟
固守乞師于李文忠文忠馳救德濟出兵夾擊大破之時
德濟所部有潛移家入新城者文忠疑德濟使然誅其都
事羅彥敬欲徵戒德濟將士皆怒走告德濟德濟怡然曰
右丞殺彥敬自爲廣信作戰衣有弊耳再言者斬于是太
祖名德濟褒諭之而責文忠失將士心且曰胡德濟之量

汝不及也擢浙江行省右丞賜駿馬未幾改左丞移鎮杭州從大將軍徐達出定西德濟軍失利達斬其部將數人械至京師帝念舊功釋之復以爲都指揮使鎮陝西卒

胡應麟蘭谿人幼能詩萬歷四年舉于鄉久不第築室山中構書四萬餘卷手自編次多所撰著攜詩謁王世貞世貞喜而激賞之歸益自負所著詩藪二十卷

胡纘永寧舉人預策奢崇明必反上言當事不納賊起被執嚴刑錮獄中弟緯傾家救免乃糾義徒潛結賊將張令等執其僞相部勒行陣自當一面數斬賊賊甚畏之既而爲火藥焚死

胡友信字成之德清人與崑山歸有光齊名世並稱歸胡友信隆慶二年進士授順德知縣歲賦率奸胥攬輸稍以所入啗長吏謂之月錢友信與民約歲爲三限多寡皆自

民姓譜

卷七

七虞 胡氏

辛

輸不取贏問里無妄費而公賦以充海寇竊發官軍往討民間騷騷部內烏洲大洲賊所巢穴諸惡少爲賊耳目友信悉勾得之捕誅其魁餘黨解散鄉立四應社一鄉有警三鄉鼓而援之不援者罪同賊賊不敢發歲大凶民飢死無敢爲惡者初友信慮民輕法蒞以嚴後令行禁止更爲寬大或旬日不笞一人其治縣如家弊修墮舉學校城池咸爲更新督課邑子弟教化興起卒官士民立祠奉祀友信博通經史學有根柢明代舉子業最擅名者前則王鏊唐順之後則歸震川思泉思泉友信別號也

民姓譜卷十七終

